

ጳውሎስ ሮሜ አሳስ ፃፊዳ ኪታ ጋሳ ቆፋ

ሃዋርያ ጳውሎስ ኪታይ ሮሜ አሳስ ፃፊቱዳይ፡ ጳውሎስ ሮሜን ዳዒያ ዋሳ ከላ ቤዓናው ቆፒዳ ጊሾ ኢ ቢያ ዋዴ ኤንቲ ጊጊዲ ናጋና ሜላ ኦላናሳ። ጳውሎስ ቆፋይ ሮሜን ዳዒያ አማኔይሳታራ ጉላ ዋዴ ኦሊዳፔ ጉዬ ኤንቲ ኢያ ማዲን ኢሰፔኔ ባናሳ። አማኖባ ኢ ኤሪዳይሳኔ አማኒያ አሳይ ሄ ተሚርቲያ ኦሶን ፔሻና ሜላ ቆንጨሲዲ ፃፊስ። ሃ ማፃፋን ጳውሎስ ኩሜላ ኪታይ ሃ ቆፋ ኦይኬስ።

ጳውሎስ ሮሜን ዳዒያ አማኒያ አሳታ ኮይሮ ሳርላ ሲሚዲ፡ ካሊዲ ኤንታው ዋሴይሳ ኦዲዳፔ ጉዬ ባ ኪታስ ጉልዓ ቆፋ፡ «ዋንጌላን ያሳ ሂሎቴላይ ቆንጨስ፤ ሄ ሂሎቴላይ ኮይሮፔ ወርሴላ ጋካናው አማኖን ቆንጨስ» ጊዲ ኦዴስ (1:17)።

ሄሳፊ ጉዬ፡ ሄ ቆፋ ዳልጊሲዲ ፃፊስ። አይሁዳታ ጊዲን አይሁዳ ጊደና አሳ ጊዲን ኡባይ ናጋራስ ሃሬቲዳይሳታ ጊዲያ ጊሾ ኤንቲ ያሳራ ሲጌታናው ኮሼስ። አሳይ ያሳራ ሲጌታናው ዳንዳዔይ ዩሱስ ኪሪስቶሳ አማኖና። ኤንቲ ያሳራ ሜዲያ ሃ ኦራላ ጋሄቴላ አይፊይ፡ ኦራላ ዴፖ ጊዳይሳ ጳውሎስ ዳልጊሲዲ ኦዴስ። አማኒያ አሲ ያሳራ ሳሮ ዴዔስ፤ ቃሲ ያሳ አያና ባጋራ ናጋራፔኔ ሃይቆ ዋልቃፊ ኬሲ ኤኬስ። ሼምፖ 5-8 ጋካናው ጳውሎስ ያሳ ሂጌይኔ አማኒያ አሳ ዴፖን ኦሊያ ያሳ አያና ዋልቃ ቆፋይ አይቤኮ ኦዴስ። ሄሳፊ ካሊዲ፡ ጳውሎስ፡ «ያሳይ አሳ ናይታስ ቆፒዳ ቆፋ ጊደን አይሁዳቲኔ አይሁዳ ጊደና አሳይ ዋኒዲ ኢሲፊ ዋዳታናው ዳንዳዒ?» ያጊያ ኦይሻስ ዛሮ ኢማናው ባዳቲስ።

ቃሲ አይሁዳቲ ዩሱሳ ኤኮና ኢዲዳይ ያሳ ቆፋ ጊዳይሳ ኦዴስ። ሄሲ ሃኒዳይ ዩሱስ ኪሪስቶሳ ባጋራ ቆንጨሲዲ አጼ ኬሃቴላ ጊደን አሳ ዛሬ ኡባ ሃጳና ሜላሳ። ጊደሽን፡ አይሁዳቲ ዩሱሳ ኤኮና ዋዴይ ያናይሳ ጳውሎስ አማኔስ። ወርሴላን ጳውሎስ አማኖ ዴፖ ዋኒዲ ዳናው ቤሲያኮ ኦዴስ። ያሳስ ኦላናባ፡ አማኒያ አሳቲ ባንታ ቢታሲኔ ባንታ ጊደን ኢሶይ ኢሱዋስ አዋቴላን ኦላናባኔ ካሃ ጋሶን ሜዲቲያ ኦይሼታባ ቆንጨሲዲ ኦዴስ።

ሮሜ ኪታ አይፊ ቆፋታ
ጌሎ ቆፋ 1:1-15

ሮሜ ኪታ ሁዔ ቆፋ 1:16-17
 አሳ ናዓስ አቶቴሌ ኮሼይሳ 1:18-3:20
 ያሳይ አሴ አሺያ ኦጊያ 3:21-4:25
 ኪሪስቶስን ቤንቲያ ኦራላ ዳዑዋ 5:1-8:39
 ኢስራዔልስ ያሳ ቆፋ 9:1-11:36
 አማኒያ አሳ ዱሳ 12:1-15:13
 ኩሻ ቆፋኔ ሳርሶ 15:14-16:27

1 ዩሱስ ኪሪስቶስ አይሌ ገዲዳ፣ ሃዋሪ ገደና ማላ ያጌተዳይሳፊኔ ያሳ ዋንጌላ ሳባካና ማላ ደሬተዳ ጳውሎስ ከተዳ ኪታ።

2 ያሳይ ዳሮ ዋዴ፣ ሲንፍ ባ ናቤታ ባጋራ አማና ያገዲ ያሳ ዋንጌላይ ጌሻ ማፃፋታን ፃፈተስ። 3 ሄ ዋንጌላይ አሾን ዳዊቴ ሸሻፕ ዩሌተዳ፣ ያሳ ናዓ፣ ኑ ጎዳ ዩሱስ ኪሪስቶስ። 4 ቃሲ ኢ ባ ጌሻ አያናን ሃይቆፕ ዳንዲዲ፣ ያሳ ናዓ ገዳይሳ ገታ ዋልቃን ቤሲስ። 5 ኢያ ባጋራ አይሁዳ ገደና አሳ ኡባይ፣ አማኒዲ ከቴታና ማላ ኪሪስቶስ ሱንላ ገሾ ያሳይ አቶ ከሃቴሌኔ ሃዋሪቴላ ማታ ኑስ አሚስ። 6 ዩሱስ ኪሪስቶስ ገደና ማላ ያጌተዳ አሳታፕ ባጋቲ ሂንቴና።

7 ሮሜን ዳዒያ፣ ያሳይ ሲቄይሳታሲኔ ኢያ ጌሻ ዳሬ ገደና ማላ ደሪዳይሳታስ።

ያሳ ኑ አዋፕኔ ጎዳ ዩሱስ ኪሪስቶስ አቶ ከሃቴላይኔ ሳርቴላይ ሂንቴው ገደ።

ጋላታ ዋሳ

8 ኡባፊ ኮይርታዳ፣ ሂንቴ አማኖይ ቢታ ኡባን ሲዔተዳ ገሾ ዩሱስ ኪሪስቶስ ባጋራ ሂንቴ ገሾ ታ ያሳ ጋላታይስ። 9 ታኒ ኢያ ናዓ ዋንጌላባ ኩሜላ ዋዛናን ኦዲያ ያሳይ፣ ታኒ ታ ዋሳን ኡባ ዋዴ ሂንቴና ቆፕይሳስ ኢ ማርካ። 10 ዉርሴላን፣ ያሳ ሼኔ ገዲኮ፣ ታኒ ሂንቴኮ ባናው ኦጌይ ታው ኢንጃታና ማላ ኡባ ዋዴ ዋሳይስ። 11 ታኒ ሂንቴው አያና ኢሙዋ ሻካናዉኔ ሂንቴና ቤዓናው ላዋታይስ። 12 ሂሲካ፣ ታኒ ሂንቴ አማኑዋን፣ ቃሲ ሂንቴ ታ አማኑዋን ሚኔታና ማላሳ።

13 ታ ኢሻቶ፣ ታኒ አይሁዳ ገደና አሳፕ አይፌ ዳሚዳይሳዳ፣ ሂንቴፊካ አይፌ ዳማናው ሂንቴኮ ባናው ቆፓስ፣ ሺን ዲጌታስ።

14 ታማሪዳ አሳሲኔ ታማሪቦና አሳስ ቃሲ ጨንጫታሲኔ ኤያታስ ታው አጮይ ዳዔስ።

1:13 ሃ.ኦ 19:21

15 ሄሳ ጊሾ፣ ሮሜን ዳዲያ ሂንቴወካ ዋንጌላ ኦዳናው አሞታይሰ።

ዋንጌላይ ያሳ ዋልቃ

16 ኢያ አማኒያ ኡባ፣ ኮይሮቲዲ አይሁዳታ፣ ካሊዲ አይሁዳ ጊድናይሳታ አሻናው ዋንጌላይ ያሳ ዋልቃ ጊዲያ ጊሾ ታ ዋንጌላን ዩላቲኩ። 17 ዲሎይ አማኖን ዳዳን ዳና ጌቲቲዲ ጌሻ ማፃፋን ፃፊቲሰ። ዋንጌላን ያሳ ዲሎቲላይ ቆንጨሰ፤ ኮይሮፔ ወርሴላ ጋካናው አሳይ ዲሎይ አማኖና።

አሳ ኢታቲላ

18 ቱማይ ኤሬቶና ሜላ ባንታ ኢታ ኦሶን ካሚያ አሳ ቦላኔ ናጋራ ኡባ ቦላ፣ ያሳ ሃንቆይ ሳሎፔ ዋዴሰ። 19 ያሳይ ኤንታው ቆንጨናው ቤሲያባ ቆንጨሲዳ ጊሾ ኤንቲ ያሳባ ኤርሶና። 20 አላማይ ሜዴቶሳፔ ደሚዲ፣ አሳሰ ቤንቶና ያሳ ካንዶይ፣ ሄሰካ ኢያ ሜሪና ዋልቃይኔ ያሳቲላይ ኢያ ሜዴቲላን ቆንጨዲ ዳዲያ ጊሾ አሳይ ባንታ ኢታቲላሰ ጋሶያባይ ባዋ።

21 ኤንቲ ያሳ ኤሪሽ፣ ኢያ ቦንቲቦኮናኔ ጋላቲቦኮና። ኤንታ ቆፋይ ማድናባ ጊዲሰ፤ ኤንታ አኬኮና ዋዛናይ ቆሚሰ። 22 ኤንቲ ባንታና ጨንጫታ ጎሶና፣ ሸን ኤያታ። 23 ኤንቲ ሃይቆና ያሳ ጎይናናይሳ አጊዲ፣ ሃይቂያ አሳ ሜዶን፣ ካፎታ ሜዶን፣ ደባታ ሜዶኒኔ ኡሎራ ጎሼቲያባታ ዳኒሲዲ ኦሊዳ ሚሲሌታ ጎይኒደሶና።

24 ሄሳ ጊሾ፣ ኤንቲ ኢሶይ ኢሱዋራ ቦርሶባ ኦሊዲ፣ ባንታ አሳቲላ ካወሻና ሜላ ያሳይ ኤንታ ዋዛናይ አሞቲያ ቱና ኦሶሰ ኤንታ ዬጊ አጊሰ። 25 ሄሰ ሃኒዳይ ኤንቲ ያሳ ቱማ ዋርዶን ላሚዳ ጊሾኔ ሜዲዳ ያሳ አጊዲ፣ ሜዴቲላ ጎይኒዳ ጊሾሳ። ያሳይ ሜሪናው ጋላቲቲዳይሳ። አሚንዲ።

26 ሄሳ ጊሾ፣ ያሳይ ኤንታና ኤንታ ቦርሶ አሙዋሰ ዬጊ አጊሰ። ኤንታ ማጨሳይ ባንታው ቤሲያ አዳራ ጋሃቲላ አጊዲ፣ ቤሶናባ ሃኒዲ ማጨሲ ማጨሳራ ጋሃቲደሶና። 27 ሄሳዳካ፣ አዳቲ ባንታው ቤሲያ ማጨሳራ ጋይቲላ አጊዲ፣ አዳይ አዳራ ጋሃቲደሶና። አዳቲ ኢሶይ ኢሱዋራ አሞን ፀጌቲዲ፣ ቦርሶባ ኦሊደሶና። ባንታ ኦሊዳ ባላሰ ቤሲያ ፐርዳ ኤኪደሶና።

28 ኤንቲ ያሳ ኤሪሽ፣ ሃሪ አቶሺን ኢያባ ቆጋናው ኮዮና ኢዲዳ ጊሾ ቤሶናባ ኦላና ሜላ ያሳይ ኤንታና ፓሶና ቆፋሰ አላ ኢሚሰ።

29 ኤንታን ጌላቴሌ፣ ኢታቴሌ፣ ዪቄይ፣ ጌኔይ፣ ቃናቴይ፣ ሾምፖ ዎቶይ፣ ፓላሚ፣ ጨዋይኔ ኢታ ኣሞይ ኩሚስ። ኤንቲ ዚጊሬይሳታ፣
 30 ኣሳ ሱንሌ ኢሴይሳታ፣ ያሳ ኢጻይሳታ፣ ጫዬይሳታ፣ ኦቶሬይሳታ፣ ጩቄቴይሳታ፣ ኢታባ ኦላናው ኮዬይሳታን ባንታ ኣዬሲኔ ኣሞስ ከቴቶናይሳታ፣³¹ ኣኬኮናይሳታ፣ ጫቆ ሜንሌይሳታ፣ ሰቆይ ባይናይሳታ፣ ቃቶይ ባይናይሳታ።³² ሃይሳታ ማላ ኦሌይሳታስ ሃይቆይ ቤሴስ ጊያ ያሳ ሂጊያ ኤሪሼ፣ ሃይሳታ ኦሎሶና። ኤንቲ ባንታው ኦሶ ዓላላ ጊዶናሺን ኦሌያ ሃራታካ ናሾሶና።

2

ያሳ ዒሎ ፒርዳ

1 ሃሳ ጊሾ፣ ኔኖ ሃራታ ቦላ ፒርዳይሶ፣ ኔኒ ጋሶያባይ ባዋ። ኔኒ ሃራታ ቦላ ፒርዳሼ፣ ሄ ኔኒ ፒርዲያ ኡራ ማላ ኦሊኮ፣ ኔ፣ ኔ ቦላ ፒርዳሳ።² ሃሳ ማላ ኦሶ ኦሌይሳታ ቦላ ያሳይ ዒሎ ፒርዳ ፒርዳይሳ ኑ ኤርስ።³ ኔኖ፣ ሃሳ ማላ ኦሶ ኦሌይሳታ ቦላ ፒርዳይሶ፣ ኤንቲ ኦሌይሳ ማላ ኦሌይሶ፣ ኔኒ ያሳ ፒርዳፊ ኣታናባ ዳኒ?⁴ ዎይኮ ያሳ ኬሃቴላ፣ ጌንጫኔ ዳንዳዓ ዳርቴላ ካቆዬ? ያሳይ ኔው ኬሂዳይ ኔና ናጋራፔ ዛራናው ጊዳይሳ ኤሪኪዬ?

5 ሺን ሂንቴው ሹቻ ዎዛኒኔ ሲዖና ሃይሌ ዴዔስ። ሃሳ ጊሾ፣ ያሳ ሃንቆይኔ ዒሎ ፒርዳይ ቆንጨያ ጋላስ፣ ኔ ቦላ ፒርዳይ ዳራና ማላ ኦላሳ።⁶ ያሳይ ኢሱዋስ ኢሱዋስ ኢያ ኦሶዋ ማላ ኢማና።⁷ ሎዖ ኦሶን ማኒዲ፣ ጋላታ፣ ቦንቾኔ ቆዮና ዴዐዎ ኮዬይሳታስ ያሳይ ማሪና ዴዐዎ ኢማና።⁸ ሺን ባንታና ሲቄይሳታ፣ ቱማ ኢጻይሳታኔ ኢታባ ኦላናው ኮዬይሳታ ቦላ ያሳ ሃንቆይኔ ፒርዳይ ያና።⁹ ኢታባ ኦሌያ ኣሳ ኡባ፣ ኮይርቴዲ ኣይሁዴታ፣ ካሊዲ ኣይሁዴ ጊዶና ኣሳ ማቶይኔ ዎይይ ጋካና።¹⁰ ሺን ያሳይ ሎዖ ኦሶ ኦሌያ ኡባስ፣ ኮይርቴዲ ኣይሁዴታስ፣ ካሊዲ ኣይሁዴ ጊዶናይሳታስ ጋላታ፣ ቦንቾኔ ሳርቴላ ኢማና።¹¹ ያሳይ ሶምዖ ቤዒዲ ኣሴ ሻኬና።

12 ሂጌይ ባይና ናጋራ ኦሌዳ ኡባይ ሂጌይ ባይና ቆያና። ሂጌይ ዴዒሺን፣ ናጋራ ኦሌዳ ኡባይ ሂጌን ፒርዳታና።¹³ ያሳ ሲንላን ዒሌይሳቲ ሂጌ ናጌይሳታፔ ኣቲን ሂጌ ሲሳ ዓላላ ሲዔይሳታ ጊዶኮና።¹⁴ ሂጌይ ባይና ኣይሁዴ ጊዶና ኣሳይ ማቶን ሂጌይ ከቴይሳ ኦሎሶና። ኤንታው ዓፌቲዳ ሂጌይ ባይና ኢዒኮካ ኤንቲ ባንታ ዎዛናን ሂጊያ ኤርሶና።¹⁵ ኤንታ ሃኖታይ፣ ሂጌ ከታይ

2:1 ማቶ 7:1፤ ሉቃ 6:37 2:6 ማዘ 62:12፤ ለሚ 24:12 2:11 ዛሬ 10:17

ኤንታ ዋዛናን ፃፊቲዳይሳ ቤሴስ። ቃሲ ኤንታ ካሃይ ኤንታ ቦላ ማርካቴስ። ኤንታ ቆፋይ ኢሲ ኢሲ ቶሆ ኤንታና ባላ ጌስ፤ ኢሲ ኢሲ ቶሆ ኤንታና ሊኬ ጌስ። 16 ታ ታማርሲዳ ዋንጌላ ማላ ያሳይ ዩሱስ ኪሪሰቶሳ ባጋራ ኣሳ ዋዛናን ጌሚዳ ቆፋ ፒርዲያ ዋዳ ሄሲ ኤሬታና።

አይሁዳታኔ ኤንታ ሂጊያ

17 ሺን ኔ ኔና አይሁዳ ጋሳ፤ ሂጊን ዜምፓሳ፤ ያሳን ጨቃሳ።
18 ኔ አላና ማላ ያሳይ ኮያባይ ኣይቤኮ ኤራሳ። ሂጊያ ታማሪዳ ጊሾ ቱማ ጊዲያባ ደራናው ኤራሳ። 19 ኔኒ ቆቄታ ካሌጱይሳ፣ ቃሲ ቋማን ዳዔይሳታስ ፖያ ጊዳይሳ ሻካ ኤራሳ። 20 ኔኒ ሂጊያፊ ዳሚዳ ኤራቴላኒኔ ቱማቴላን ኤያታ ኤሪሴይሳኔ ዮጋታ ታማርሴይሳ ጊዳይሳ ኤራሳ። 21 ያቲን፣ ኔ ሃራታ ታማርሴይሴ ኔ ኔና ኣይስ ታማርሲኪ? ኔኒ፣ «ካይሶቶፓ» ጋሼ፣ ኔኒ ኔ ሁዔን ካይሶታዬ? 22 ኔኒ፣ «ላሞፋ» ጋሼ፣ ኔኒ ኔ ሁዔን ላማዬ? ኔኒ ኤቃ ኢፃሼ፣ ኤቃይ ዳዒያ ኬላ ቦንቃዬ? 23 ኔኒ ያሳ ሂጊያን ጨቄታሳ፣ ሺን ሂጊያስ ከቴቶና ኢፃዳ ያሳ ዬላያይ? 24 ጌሻ ማፃፋን፣ «ሂንቴ ጋሶን ያሳ ሱንላይ ኣይሁዳ ጊደና ኣሳታን ጫዬቴስ» ጌቴቲዲ ፃፊቲስ።

25 ኔ ሂጊስ ከቴቲኮ፣ ኔ ቃፃሬቴላስ ማዳይ ዳዔስ፣ ሺን ኔኒ ሂጊያስ ከቴቶና ኢፃኮ ኔ ቃፃሬቴላይ ቃፃሬቲቦና ማላ ጊዳስ። 26 አይሁዳ ጊደና ኣሲ ቃፃሬቶና ዳዒሼ፣ ሂጊያስ ከቴቲኮ፣ ያሳይ ኢያ ቃፃሬቲዳ ማላ ታይቤኔ? 27 ሂንቴ፣ አይሁዳ ኣሳቲ፣ ሂንቴው ፃፊቲዳ ሂጊይኔ ቃፃሮይ ዳዒሺን፣ ሂንቴ ሂጊስ ከቴቶና ኢፃኮ፣ አይሁዳ ጊደና ኣሳይ ቃፃሬቶና ኢፃኮካ ሂጊስ ከቴቲዲ፣ ሂንቴ ቦላ ፒርዳና። *

28 ሂዛ፣ ሱንላን አይሁዳ ጊዲዳ ኡባይ ቱማ አይሁዳ ጊዳና። ቃሲ ካሬ ኣሳቴላ ቃፃሮይ ቱማ ቃፃሮ ጊዳና። 29 ሺን ቱማ አይሁዳቴሊ ጋላ ባጋን አይሁዳ ጊዳይሳ። ቱማ ቃፃሬቴሊ ያሳ ኣያናን ኦሴቲያ ዋዛና ቃፃሬቴላፊ ኣቲን ፃፊቲዳ ሂጊያን ኦሴቲያ ኣሳቴላ ቃፃሮ ጊዳና። ሄ ኡራይ ጋላታ ያሳፊ ኤኬሲፔ ኣቲን ኣሳፔ ጊዳና።

3

አይሁዳታ አማኖና ኢያ

2:24 ኢሳ 52:5 * 2:27 ሂንቴ ቦላ ፒርዳና፣ ኤንታ ሃናታይ ዋይኮ ኤንታ ከቴቲላይ ሂንቴ ቦላ ፒርዳና። 2:29 ዛሬ 30:6

1 ያቲን፣ አይሁዳ ጊደን አይ ዲማቴሊ ዳዒ? ዋይኮ ቃፃሬቴላን አይ ማዳይ ዳዒ? 2 ቱማካ አይሁዳ ጊደይ ዳር ኦጌራ ማዳሰ። ኡባፌ ሲንጴ ያሳይ ባ ቃላ ሃዳራ አይሁዳታሰ አሚሰ።

3 ያቲን፣ ኤንታፌ ኢሶቲ ኢሶቲ ቃላ አማኖና ኢዲኮ፣ ኤንታ ኢያይ ያሳ አማኔቴላ ዳጊይ? 4 ዳጊና! አሳ ኡባይ ዋርዳንቸ ጊዲኮካ ያሳይ ቱማ ጊደ። ጌሻ ማፃፋን፣

«ኔ ቃላን ኔ ዲላሳ፤
ኔና ሞቴይሳ ፐርዳን ላላሳ»

ጌቴቲዲ ፃፌቲሰ።

5 ያቲን፣ ኑ ናጋራይ ያሳይ ዲሎ ጊዳይሳ ቤሲያባ ጊዲኮ፣ ኑ ዋይጋኔ? ያሳይ ኑ ናጋራ ጊሾ ኑ ቦላ ፐርዲኮ፣ ሊኬ ጊዳኔዬ? ሃይሳ ታኒ አሳ ቆፋላ ጋይሰ። 6 ሄሲ ኡባራካ ሃኔና። ሄሳዳ ሃኒኮ፣ ያሳይ ሃ አላሚያ ቦላ ዋቲ ፐርዳኔ?

7 ሺን ታ ዋርዶቴላይ ያሳ ቱማ ቆንጨሲዲ፣ ኢያ ቦንቹዋ ዳርሲ ቤሲያባ ጊዲኮ፣ ያቲን፣ አይሰ ታ ቦላ ናጋራንቸዳ ፐርዳቲ?

8 ኢሲ ኢሲ አሳይ፣ «ሎጆይ ያና ሜላ ኢታ ኦሎሰ» ያጊዲ ታማርሲያዳ ኦሊዲ ታና ሞቶሶና። ሄሳ ሜላ አሳ ቦላ ያ ያሳ ፐርዳይ ሊኬ።

አሲ ኡባይ ናጋራንቸ

9 ያቲን፣ ኑኒ ዋይጋኔ? ኑ አይሁዳቲ፣ አይሁዳ ጊደናይሳታፔ አጵናዬ? ጊዳና! አይሁዳ ጊዲን፣ አይሁዳ ጊደና ኢዲን ኡባይ ናጋራንቸ ጊዳይሳ ታኒ ካሴታዳ ሂንቴው ኦዳሰ።

10 ጌሻ ማፃፋን፣
«ዲሎ አሲ ኢሶይካ ባዋ።

11 አኬኪያ አሲ ባዋ፣
ያሳ ኮያ ኦኒካ ባዋ።

12 አሳ ኡባይ ያሳሰ ዘኮ ዘሪዶሶና፤
ኡባይ ኢሲፌ ፓላናባ ጊዲዶሶና።

ሎጆ ኦሊያ ኦኒካ ባዋ፤
ኢሲ አሲካ ባዋ።

13 ኤንታ ደናፔ ኬያ ቃላይ፣
ደዬቲዳ ዳፎፔ ኬያ ዲንቆ ሜላ፤
ባንታ ኢንፃርሳን ጨሞሶና።

ኤንታ ደናፔ አሴ ዋዲያ፣
ሾሻ ማርዜይ ኬዬሰ።

- 14 ኤንታ ዶናን ጫዋ ኦዲይኔ ባዴሊ ኩሚስ።
- 15 ኤንቲ ሱሊ ጉሳናው ኤሌሶሶና።
- 16 ኤንታ ኦጊያን ጳዮይኔ ቆሆይ ዴዴስ።
- 17 ኤንቲ ሳሮቴላ ኦጊያ ኤሮኮና።
- 18 ባንታ ዴዑዋን ያሳሰ ያዮኮና»

ጌቴቲዲ ፃፊቲስ።
 19 እሴ ኡባ ዶና ኦይላናውኔ ኩሚላ ኣላሚያ ያሳ ፐርዳፊ ጋርሳን ሸሻናው። ሂጌይ ኣሚቲዳይ ሂጌፊ ጋርሳን ኣቄይሳታሰ ጌዴይሳ ኑ ኤሮስ። 20 ሄሳ ጊሾ፣ ኦኒካ ሂጌስ ኪቴቲዲ ያሳ ሲንላን ጻላናው ዳንዳዴና። ሂጌይ ኣሲ ኡባይ ናጋራንቸ ጌዴይሳ ቤሴስ።

ዲሎቴላ ኣማኖና

21 ሺን ሃዲ ያሳይ ኣሲ ሂጌይ ባይናሺን ጻሊያ ኦጌ ቆንጫሲስ። ሄ ኦጊያ ሙሴ ሂጌይኔ ናቤቲ ማርካቲዶሶና። 22 ሃ ዲሎቴላ፣ ያሳይ ዩሱስ ኪሪስቶሳ ባጋራ ኣሳ ኡባስ ሻኮይ ባይና ኣሚስ።

23 ኣሳ ኡባይ ናጋራ ኦሊዶሶና፤ ያሳይ ኤንታው ኣሚዳ ቦንቹዋፊ ሃኪዲ ኣቲዶሶና። 24 ሺን ኤንቲ ያሳ ኣጵ ኬሃቴላን፣ ዋዚያ ኪሪስቶስ ዩሱሳ ባጋራ ጮ ዲሊዶሶና። 25 ያሳይ ዩሱስ ኪሪስቶሳ ያርሾ ኦሊዲ ኣሚዳይ፣ ኢያ ኣማኒያ ኡባይ ኢያ ሱላን ናጋራ ማርቴላ ዴማና ሜላሳ። ያሳይ ሄሳ ኦሊዳይ ባ ዳንዳዴን ካሴ ናጋራ ታይሶና ኣጊዲ፣ ባ ዲሎቴላ ቤሳናሳ። 26 ሃዲ ዋዲያን ዩሱሳ ኣማኒያ ኡባ ዲሊሲዲ፣ ያሳይ ባ ሁዴን ዲሎ ጌዴይሳ ቤሴስ።

27 ያቲን፣ ኑ ጩቁቲያሳይ ኣይቢ ዴዲ? ኣይቢካ ባዋ። ኑኒ ጩቁቲይ ሂጌስ ኪቴቲያ ጊሾዬ? ኣካይ! ኣማኖ ጊሾሳ። 28 ያሳይ ኣሴ ዲሊሴይ ኣማኖናፔ ኣቲን ሂጌስ ኪቴቲላን ጊዶናይሳ ኑ ኣኬኮስ።

29 ዋይኮ ያሳይ ኣይሁዴታ ፃላላ ያሴዬ? ኣይሁዴ ጊዶናይሳታሰ ያሴ ጌዴኔዬ? ቱማ፣ ኣይሁዴ ጊዶናይሳታሰካ ኢ ያሴ። 30 ያሳይ ኢሶ፤ ኣይሁዴታኔ ኣይሁዴ ጊዶናይሳታ ኣማኖን ዲሊሴይ ኢያ። 31 ያቲን፣ ኑኒ ሂጊያ ኣማኖ ጊሾ ሻሮስ ጉሴዬ? ጌዴና! ሂጊያ ሚንሶሲፔ ኣቲን።

4

ኣብራሃሜይ ኣማኖን ዲሊስ

3:14 ማዝ 10:7 3:15 ኢሳ 59:7-8 3:18 ማዝ 36:1 3:20 ማዝ 143:2፤ ጋላ 2:16 3:30 ዛሬ 6:4፤ ጋላ 3:20

1 ያተን፣ ኑ ማይዛይ ኣብራሃሜይ ኣይ ዳሚዳ? 2 ኣብራሃሜይ ኦሶን ዒሊዳባ ጊዲያኮ፣ ኢ ጨቁቲያባይ ዳዔስ፣ ጊዶሽን፣ ያሳ ሲንሳን ጨቁታናው ዳንዳዔና። 3 ጌሻ ማፃፋይ፣ «ኣብራሃሜይ ያሳ ኣማኒስ፤ ያሳይ ሄሳ ኢያው ዒሎቴሌ ኦሌዲ ኤኪስ» ያጌስ።

4 ኦሌያ ኡራይ ኤኪያ ዳሞዜይ፣ ኢያ ኦሶ ዎልቃስ ጨጌቲያ ጋቴፕ ኣቲን ኢያው ኢሞታ ጊዳና። 5 ሺን ኦሶ ኦሶና ኦኒካ ናጋራንቹዎ ዒሊሲያ ያሳ ኣማኒኮ፣ ኢያ ኣማኖይ ኢያው ዒሎቴሌ ጊዲዲ ታይቤቴስ። 6 ጌሻ ማፃፋን ዳዊቲይ፣ ኦሶይ ባይና ያሳይ ዒሊሲያ ኣሳቲ ኣይ ሜላ ኣንጃቲዳኮ ሃይሳዳ ያጊዲ ቆንጨሴስ።

7 «ኤንታ ባላይ ኣቶ ጌቲቲዳይሳቲ ኣንጃቲዳይሳታ።
ኤንታ ናጋራይ ካሜቲዳይሳቲ ኣንጃቲዳይሳታ።

8 ሳዳይ ኢያ ናጋራ ታይቦና ኣሲ ኣንጃቲዳይሳ» ያጌስ።

9 ያተን፣ ዳዊቲይ ኦዲዳ ኣንጃይ ቃፃሬቲዳ ኣሳ ፃላላሴዬ? ዎይኮ ቃፃሬቲቦና ኣሳሴ? ኦኒ፣ «ጌሻ ማፃፋይ፣ «ኣብራሃሜይ ያሳ ኣማኒስ፤ ያሳይ ሄሳ ኢያው ዒሎቴሌ ኦሌዲ ኤኪስ» ያጌስ» ጊዳ። 10 ያተን፣ ሄሲ ኣዉዴ ሃኒዴ? ኣብራሃሜይ ቃፃሬቲኔዬ? ዎይኮ ቃፃሬቶና ዳዒሺኔ? ቃፃሬታናፕ ሲንሌ ሃኒሲፕ ኣቲን ጉዬ ጊዳና።

11 ኣብራሃሜይ ቃፃሬታናፕ ሲንሌ ኢያ ኣማኖይ ኢያው ዒሎቴሌ ጊዲዲ ታይቤቲዳይሳ ኤሪሳናው፣ ኢያ ቃፃሮይ ማላታ ጊዲስ። ሄሳ ጊሾ፣ ኣብራሃሜይ ቃፃሬቶና ኣማኔይሳታሲ ኣማኖን ዒሌይሳታ ኡባስ ኣዎ ጊዲስ። 12 ኢ ቃፃሬቲዳይሳታሰካ ኣዎ። ኣብራሃሜይ ኤንታው ኣዎ ጊዲዳይ ኤንቲ ቃፃሬቲዳ ጊሾ ፃላላስ ጊደናሺን ኢ ቃፃሬታናፕ ሲንሌ ኣማኒዳ ኣማኑዎ ኤንቲ ካሊዳ ጊሾሳ።

ያሳ ኡፋይሳይ ኣማኖን ኤኬቴስ

13 ኣብራሃሜሲኔ ኢያ ሼሻስ፣ «ኣላሚያ ታ ሂንቲው ኢማና» ያጊዳ ኡፋይሳይ፣ ኣብራሃሜይ ኣማኖን ዒሊዳ ጊሾሳፌ ኣቲን ሂጌ ናጊዲ ፖሊዳ ጊሾ ጊዳና። 14 ሂጌስ ከቲቲዳይሳቲ ያሳይ ኢማና ጊዳ ኡፋይሳ ሳታኤይሳታ ጊዲኮ፣ ኣሳ ኣማኖይ ማደና፤ ያሳ ኡፋይሳይካ ሃዳ ጊዲስ። 15 ሂጌ ሜንሶይ ያሳ ሃንቆ ኤሄስ፣ ሺን ሂጌይ ባይናሶን ሂጌ ሜንሶይ ባዎ።

4:3 ሜዴ 15:6፤ ጋላ 3:6 4:7 ማዘ 32:1-2 4:11 ሜዴ 17:10
4:13 ሜዴ 17:4-6፤ 22:17-18፤ ጋላ 3:29 4:14 ጋላ 3:18

16 ሄሳ ጊሾ፣ ያሳይ ኢሚዳ ኡፋይሳይ አማኖን ኤኬቴስ። ሃ ኡፋይሳይ አብራሃሜ ሼሻ ኡባስ ያሳ አጼ ኬሃቴላ ባጋራ ኢሜቴዳይሳ ቆንጨሴስ። ሄሲካ ሂጌ ናጌይሳታ ፃላላስ ጊደናሺን አብራሃሜዳ አማኒዳ ኡባሳ። አብራሃሜይ ኑ ኡባስ አዎ። 17 ጌሻ ማፃፋን፣ «ታ ኔና ዳሮ ካዎቴላታስ አዎ ኦላስ» ጌቴቴዲ አብራሃሜ ጊሾ ፃፊተስ። ሃ ኡፋይሳይ አብራሃሜስ ኢሜቴዳይ ሃይቂዳይሳታስ ዴዖ ኢሜይሴኔ ኦራሳባ ኦሴያ ያሳይ ኢያ ጊዴይሳ ኢ አማኒዳ ጊሾሳ።

18 ያሳይ አብራሃሜስ ዳሮ ዜሬሌ ኢማናይሳ ጫቂስ። ኡፋይሴ አላናው አይኮካ ዳንዳዔቶና ዎዴ አብራሃሜይ ያሳን አማኒዳ ጊሾኔ ኡፋይሴ ኦሴዳ ጊሾ ዳሮ ካዎቴላታስ አዎ ጊዲስ።

19 አብራሃሜስ ፃቴ ላይሌ ኩማና ሃኒኮካ፣ ባ ዳቡሪዳ አሳቴላኔ ሳራ ናዓ ዬላናው ዳንዳዖናይሳ ኤሪሼ ባ አማኑዎን ዳቡሪቤና።

20 ጊደሺን፣ ኢ ባ አማኑዎን ሚኒዲ ያሳስ ቦንቾ ኢሚስቴ አቲን ያሳይ ኢሚዳ ኡፋይሳ አማኖና ኢዲዲ፣ ሲዲቤና። 21 አብራሃሜይ፣ ያሳይ ጫቂዳ ጫቁዎ ፖላናይሳ ባ ኩሜላ ዎዛናን አማኒስ። 22 ሄሳ ጊሾ፣ ያሳይ ኢያ አማኑዎ ፃሎቴላን ታይቢስ።

23 ሺን፣ «ኢያው ፃሎቴላን ታይቢስ» ጊያ ቃላይ አብራሃሜ ፃላላስ ፃፊተቤና። 24 ሄ ቃላይ ኑ ጎዳ ዬሱሳ ሃይቆፔ ዴንሌዳ ያሳ አማኒያ ኑስካ ኑ አማናይ ፃሎቴላን ታይቤታና ሜላ ፃፊተስ። 25 ያሳይ ኢያ ኑ ናጋራ ጊሾ ሃይቆስ አሌዲ ኢሚስ፤ ኢ ኑና ሂሊሳናው ሃይቆፔ ዴንዲስ።

5

ያሳን ዴዒያ ሳርቴላ

1 ሂዛ፣ ኑ አማኖን ሂሊዳ ጊሾ ኑ ጎዳ ዬሱስ ኪሪስቶሳ ባጋራ ያሳራ ኑስ ሳርቴሌ ዴዒስ። 2 ኑኒ ኢያ ባጋራ ሃዒ ኑ ኤቂዳ አጼ ኬሃቴላ ጊደ አማኖን ጌሊዳ። ሄሳ ጊሾ፣ ኑ ያሳ ቦንቾዎ ሻኬታናው ዴዒያ ኡፋይሳን ጩቁቶስ።

3 ሄሳ ፃላላ ጊደናሺን ሜቶይ ዳንዳዓ ኤሃይሳ ኑ ኤሪያ ጊሾ ኑ ሜቴዎንካ ጩቁቶስ። 4 ቃሲ ዳንዳዓይ ጌንጫ፣ ጌንጫይ ኡፋይሴ ኢሜይሳ ኑ ኤሮስ። 5 ኑስ ኢሚዳ ጌሻ አያና ባጋራ ያሳይ ባ ሲቁዎ ኑ ዎዛናን ጉሲዳ ጊሾ ሄ ኡፋይሳይ ኑና ዬላዬና።

4:16 ጋላ 3:7 4:17 ሜዴ 17:5 4:18 ሜዴ 15:5 4:19 ሜዴ 17:17 4:25 ኢሳ 53:4-5

6 ኑኒ ቡሮ ዳቡራንቸታ ገዲዲ ዴሲሺን፣ ያሳ ዋዴይ ጋኪን፣ ኪሪሰቶሲ ናጋራንቸታ ገሾ ሃይቁስ። 7 ያሎ አሳ ገሾ ሃይቃና አሲ ዴማናይሲ ዳሮ ሜቶ፣ ሺን ኬሃ አሳ ገሾ ሃይቃና አሲ ኑኒ ኤሪ ቤንቶና አጌና። 8 ሺን ኑኒ ቡሮ ናጋራንቸ ገዲዲ ዴሲሺን፣ ኪሪሰቶሲ ኑ ገሾ ሃይቁስ። ሄሲ ያሳይ ኑና አይ ሜላ ሰቁያኮ ኢያ ሰቁዋ ቤሴስ። 9 ሂዛ፣ ኑኒ ኪሪሰቶሳ ሱላን ያሊዳሳ ገዲኮ፣ ኡባፌ አሊዲ ኢያ ባጋራ ያሳ ሃንቁዋፌ አታና። 10 ኑኒ ያሳራ ካሴ ሞርኬ፣ ሺን ኢያ ናሳ ሃይቁዋን ኢያራ ሲጌቲዳ። ሄሳፌ አሊዲ፣ ሃሳ ኑኒ ያሳራ ሲጌቲዳ፤ ጉዬ ኢያ ናሳ ዴቡዋ ጋሶን ኑኒ አታና። 11 ሄሳ ያላላ ገደናሺን ሃሳ ኑና ያሳራ ሲጌሊዳ ኑ ጎዳ ዬሱስ ኪሪሰቶሳ ባጋራ ኑ ያሳን ጨቁቶስ።

አዳሜኔ ኪሪሰቶሳ

12 አዳሜ ባጋሪ ናጋሪ ሃ አላሚያ ጌሊስ። ሄ ናጋራ ባጋራ ሃይቆይ ዬስ። አሲ ኡባይ ናጋራ ኦሊዳ ገሾ ሃይቆይ አሳ ዛሪ ኡባ ጋኪስ። 13 ሂጌይ ኢሜታናፔ ሲንጤ አላሜን ናጋሪ ዴዔስ። ሺን ሂጌይ ባይና ዋዴ ናጋሪ ናጋራ ገዲዲ ታይቤቲና። 14 ሺን አዳሜፔ ሙሴ ጋካናው ሃይቆይ አሳ ኡባ ሃሪስ። ሃሪ አቶሺን፣ አዳሜዳ ሂጌስ ኪቲቶና ኢዲዳ፣ ናጋራ ኦሊቦናይሳታ ቦላካ ሃይቆይ ካዋቲስ።

አዳሜይ ያና ዬሱሳስ ሌሚሶ። 15 ሺን ያሳ አቶ ኬሃቴላይ አዳሜ ናጋራ ሜላ ገዴና። ኢሲ አሳ ናጋራ ባጋራ ዳሮ አሳይ ሃይቁስ። ሺን ዬሱስ ኪሪሰቶሳ ባጋራ ያሳ አቶ ኬሃቴላይ አሳ ኡባስ ዳሪዲ ኢሜቲስ። 16 አዳሜ ናጋራ ገደኒኔ ያሳ ኢሞታ ገደን ዳሮ ዲማቴሊ ዴዔስ። ኢሲ አሳ ናጋራ ጋሶን ያሳይ ኢያ ቦላ ፐርዲስ። ሺን አሳይ ዳሮ ናጋራ ኦሊንካ ያሳ አቶ ኬሃቴላይ ያሎቴላ ኤሂስ። 17 ኢሲ አሳ ናጋራ ጋሶን ሃይቆይ አሳ ኡባ ቦላ ካዋቲስ። ሺን ዬሱስ ኪሪሰቶሳ ባጋራ ያሳ አቶ ኬሃቴላይ ያሎቴላ ኢሞታ ኤኪያ ኡባይ፣ ያኖ ዴዎን ዴዎሶና።

18 ሂዛ፣ ኢሲ አሲ ናጋራ ኦሊዳ ጋሶን አሳ ኡባ ቦላ ፐርዲ ዬዳይሳዳ ኢሲ አሲ ያሎ ኦሊዳ ጋሶን፣ ያሳይ አሴ ኡባ ያሊሲዲ ኤንታው ዴዎ ኢሜስ። 19 ኢሲ አሲ ኪቲቶና ኢዲዳ ጋሶን፣ ዳሮ አሳይ ናጋራንቸ ገዲዲዳይሳዳ ኢሲ አሳ ኪቲቲላን ዳሮ አሳይ ያላና።

20 አሳይ ናጋራ ዋልቃ ኤራና ሜላ ሂጌይ ዬስ፣ ሺን ናጋራ ዋልቃይ ዳሪዳ ዋዴ ያሳ አቶ ኬሃቴላይ አቋዲ ዳሪስ። 21 ናጋሪ ሃይቆ ዋልቃን ካዋቲዳይሳ ሜላ ያሳ አቶ ኬሃቴላይ ያሎቴላ

ዎልቃን ካዎተዱ፤ ኑ ጎዳ ዩሱስ ከሪስቶስ ባጋራ ኑና ሜሪና ደዑዋኮ ካሌሴስ።

6

ናጋራስ ሃይቁዲ ከሪስቶስን ዴያ

1 ያተን፣ ኑኒ ዎይጋኔ? ያሳ አቶ ከሃቴላይ ዳራና ሜላ ናጋራን ማኒዲ ዴሲኖ? 2 አካይ፣ ኑኒ ናጋራስ ሃይቁዲባ ጊዲኮ፣ ያተን፣ ኑኒ ሂዛፔ ዋኒዲ ናጋራን ዳኔ? 3 ኑ ኡባይ ከሪስቶስ ዩሱሳራ ኢሲፋናው ፃማቁተዳ ዎዴ ኢያ ሃይቁዋን ኢያራ ኢሲፋናው ፃማቁተዳይሳ ኤሪከቴዩ? 4 ኑ ፃማቁተዳ ዎዴ ከሪስቶሳራ ሃይቁዳኔ ሞጌተዳ። ከሪስቶሱ ያሳ አዎ ቦንቾ ዎልቃን ሃይቆፔ ዴንዲዳይሳ ሜላ ኑካ ኦራሳ ዴያን ዳና።

5 ኑ ኢያ ሃይቁዋን ኢያራ ኢሲኖ ጊዲኮ፣ ሂሳዳካ፣ ኢያ ዴንዲዳዋን ኢያራ ኢሲኖ ጊዳና። 6 ኑ ሂዛፔ ናጋራስ አይሌ ጊዳና ሜላኔ ኑ ናጋራንቾ አሳቴላ ዎልቃይ ቆያና ሜላ ኑ ጨማ አሳቴላይ ከሪስቶሳራ ካቁተዳይሳ ኤርስ። 7 ኢሲ አሲ ከሪስቶሳን ሃይቁዲባ ጊዲኮ፣ ኢ ናጋራ ዎልቃፌ ላዓ ከዩሴስ። 8 ኑኒ ከሪስቶሳራ ሃይቁኮ፣ ኢያራ ዴያን ዳናይሳ አማኖስ። 9 ከሪስቶሱ ሃይቆፔ ዴንዲዳ ጊሾ ዛሪ ኢ ሃይቆናይሳኔ ሃይቆይ ሲንሳፌ ኢያ ሃርናይሳ ኑ ኤርስ። 10 ኢ ሃይቁዳ ዎዴ ናጋራስ ኢሲ ቶሆ ወርሴሌ ጋካናው ሃይቁስ፣ ሺን ሃዒ ዴያን ያሳስ ዴዔስ። 11 ሃሳዳካ፣ ሂንቴ ናጋራስ ሃይቁዲ፣ ጎዳ ከሪስቶስ ዩሱሳ ባጋራ ያሳስ ዴያን ዴዔይሳ ቆፕቴ።

12 ሃሳ ጊሾ፣ ሂንቴ፣ ሂንቴ አሳቴላ አሙዋስ ከቴቶና ሜላ ሃይቁያ ሂንቴ አሳቴላ ናጋሪ ሃርፖ። 13 ቃሲ ሂንቴ አሳቴላ ናጋራ ኦላናው ጌላቴላ ማሼ ኦሊዲ አሞፊቴ። ሺን ሂንቴ ሃይቆፔ ዴንዲዲ፣ ዴያን ዴዔያ አሳዳ ሂንቴ አሳቴላ ያሳስ አሚቴ። ቃሲ ሂንቴ ኩሚላ አሳቴላ ዲሎ ኦሪ ኦላናው ያሳስ አሊ አሚቴ። 14 ሂንቴ ያሳ አቶ ከሃቴላ ጋርሳን ዴዔታፔ አቴን ሂንፌ ጋርሳን ዴያና ጊሾ ናጋሪ ሂንቴና ሃራናው ቤሴና።

ዲሎቴላ አይሌ

15 ያተን፣ ኑ ዎይጋኔ? ሂንፌ ጋርሳን ጊዳናሺን ያሳ አቶ ከሃቴላ ጋርሳን ዴዔያ ጊሾ ናጋራ ኦላኔዩ? አካይ! 16 ሂንቴ ኢሲ አሳስ ከቴታናው ሂንቴና አይሌ ኦሊዲ አሚያ ዎዴ ሂ ሂንቴ ከቴቲይሳስ አይሌ ጊዴይሳ ኤሪታ። ሃሳዳካ፣ ሂንቴ ናጋራስ ከቴቲኮ፣ ሂንቴው ሃይቆ ኤሂያ ናጋራስ አይሌ ጊዳታ። ዎይኮ ሂንቴ

የሳሰ ከቴቲኮ ደሎቴሊ ኤሂያ የሳሰ አይሌ ገዳታ። 17 ካሴ ሂንቴ ናጋራስ አይሌ፣ ሺን ሃዒ ሂንቴ ኤኪዳ ቱማ ቲሚርቲያስ ኩሜላ ዋዛና፤ ከቴቲዳ ገሾ የሳሰ ጋላቲ ገዳ። 18 ሂንቴ ናጋራ አይሌቴላ ቃሾ፤ ቢሌቴዲ ደሎቴላ አይሌ ገዳዳታ።

19 ሂንቴ ሂንቴ ቆፋን ዳቡራንቾ ገዳያ ገሾ ታኒ ኦዳሰካ ጌሊያ ኦጌን ኦዳይሰ። ካሴ ሂንቴ፣ ሂንቴ አሳቴላ ቱናኔ ኢታባ ኦላናው አይሌ ኦሊዲ አሚዳይሳ ሜላ ሃዒ ሂንቴ አሳቴላ ጌሺ ገዳና ሜላ ደሎቴላ አይሌ ኦሊዲ አሚቴ።

20 ሂንቴ ናጋራስ አይሌቴዲ ዳዒያ ዋዳ ደሎቴላስ ሃራቴኬታ። 21 ሂንቴና ሃዒ ዬላያ ቤኒ ሂንቴ ኢታ ኦሱዋ፤ አይ ማዳ ዳሚዳቲ? ሄ ኦሱታ ወርሴላይ ሃይቆ። 22 ሺን ሂንቴ ናጋራ አይሌቴላ ቃሾ፤ ቢሌቴዲ፣ የሳሰ አይሌ ገዳዳታ። ሄሲ ሂንቴና ጌሺ ኦሊዲ ሜሪና ዴቡዋኮ ካሌሌሰ። 23 ናጋራ ጋቲይ ሃይቆ። ሺን የሳይ፣ ኑ ጎዳ ከሪሰቶስ ዬሱሳ ባጋራ አሚያ አሞታይ ሜሪና ዳዖ።

7

ኤኮ ጌሎ ለሚሶ

1 ታ አሻቶ፣ ታኒ ኦዳይ ሂጌ ኤሪያ አሳታሳ። ሂጌይ ኢሲ አሲ ፓፃ ዳዒያ ዋዳ ኡባን ኢያ ሃራሰ። 2 ለሚሶስ፣ አዚና ጌሊዳ ማጫሲያ ኢ አዚናይ ፓፃ ዳዒያ ዋዳ ሂጌን ኢያራ ቃሾታሱ። ሺን ኢ አዚናይ ሃይቁኮ ኢያራ ኢያ ጫቁዳ ጫቆይ ኢዮ ሃራና። 3 ሃሳ ገሾ፣ ኢያ ባ አዚናይ ፓፃ ዳዒሺን፣ ሃራ አዳ ጌሊኮ፣ ኢያ ለሚዳር ጌቲታወሱ። ሺን ኢ አዚናይ ሃይቁኮ፣ ጫቆይ ኢዮ ሃርና ገሾ ኢያ ሃራ አዚና ጌሊኮ፣ ኢያ ለሚዳር ጌቲቲኩ።

4 ሃሳ ገሾ፣ ታ አሻቶ፣ ሂንቴ ከሪሰቶሳ አሳቴላ ባጋራ ሂጌ ዋልቃስ ሃይቁዲ፣ የሳሰ አይፌ አይፋናው ሃይቆ፤ ዳንዲዳ ከሪሰቶሳሰ ገዳዳታ። 5 ኑ አሾ አሞይ ኑና ሃርን፣ ኑ ዳዒያ ዋዳ ሂጌይ ጉጂ ናጋራ ኦላና ሜላ ኑና ዳንጫሌሰ። ኑ አሳቴላ ገደን ኢታ አሞቴሊ ዳዒያ ገሾ ኑኒ ሃይቆ አይፌ አይፋና ሜላ ኦሊሰ። 6 ሺን ሃዒ ኑኒ ኑና ቃቺዳ ሂጌያስ ሃይቁዳ ገሾ ኑኒ ሂጌ ቃሾ፤ ቢሌቴዲ። ሃሳ ገሾ፣ ጌሻ ኢያና ኦጌን የሳሰ ከቴቶሲ፤ ኦጌን ፃፊቲዳ ጨማ ሂጌያስ ከቴቶኮ።

ሂጌኔ ናጋራ

7 ያተን፣ ኮኒ ዋይጋኔ? ሂጌይ ባ ሁዔን ናጋሬ? ጊዳና! ሺን ሂጌይ ናጋሬ ኣይቤኮ ታና ኤሪሲስ። ሂጌይ፣ «ኣሞቶፋ» ጎናኮ፣ ኣሞቴሉ ኣይቤኮ ታኒ ኤሪኬ። 8 ሺን ታ ኡባባ ኣሞታና ማላ ናጋሬ ሂጌይ ባጋራ ታናን ኦጌ ዴሚስ። ሂጌይ ባይኮ ናጋሬ ሃይቁዳይሳ።

9 ካሴ ሂጌይ ባይና ዋዴ ታ ገፃ፣ ሺን ሂጌይ ኣሜቲዳ ዋዴ ናጋሬ ገፃን ታ ቃሲ ሃይቃስ። 10 ታኒ ዴዎን ዳና ማላ ያሳይ ኣሚዳ ሂጌይ ታው ሃይቆ ኤሂስ። 11 ናጋሬ ሂጌይ ባጋራ ታና ጨሚያ ኦጌ ዴሚዲ፣ ዋዲስ።

12 ሄሳ ጊሾ፣ ሂጌይ ጌሺ፤ ኢያን ፃፊቲዳ ኪታይካ ጌሺ፣ ዲሎኔ ሎዎ።

13 ያተን፣ ሎዎ ጊዲዳባይ ታ ቦላ ሃይቆ ኤሂዴዬ? ጊዳና! ሺን ናጋሬ ናጋራ ጊዴይሲ ቆንጫና ማላ ሎዎባን ማዳቲዲ ታው ሃይቆ ኤሂስ። ሄሳ ጊሾ፣ ናጋራ ናጋራቴላይ ሂጌይ ባጋራ ኣዲዲ ኤሪቲስ።

14 ኮኒ ሂጌይ ኣያናባ ጊዴይሳ ኤርስ። ሺን ታኒ ናጋራስ ባይዘቲዳ ኣሾ ኣሲ። 15 ታኒ ኦሊያባ ኣኬኪኬ፤ ታኒ ደሲያባ ኦላናይሳ ኣጋዳ ታ ኢዲያባ ኦላይስ። 16 ታኒ ኢዲያባ ኦሊያባ ጊዲኮ፣ ሂጌይ ሎዎ ጊዴይሳ ማዳይስ። 17 ሄሳ ጊዲኮ፣ ሄ ኦሱዋ ታናን ዴዲያ ናጋራይ ኦላይሲፔ ኣቲን ታ ኦሊኬ።

18 ታናን፣ ሄሲካ ታ ኣሹዋን ሎዎባይ ባይናይሳ ኤራይስ። ሎዎባ ኦሊያ ኣሞቴሉ ታናን ዴዴስ፣ ሺን ሎዎባ ኦላናው ዳንዳዲኬ። 19 ታኒ ኢዲያ ኢታባ ኦላይሲፔ ኣቲን ታ ደሲያ ሎዎባ ኦሊኬ። 20 ታኒ ኢዲያባ ኦሊያባ ጊዲኮ፣ ሄሳ ታናን ዴዲያ ናጋራይ ኦላይሲፔ ኣቲን ኦሊይ ታና ጊዲኬ።

21 ሂዛ፣ ታ ሎዎባ ኦላናው ደሲሺን፣ ኢታባ ኦሶይ ዋጋ ጊዴይሳ ዴሚስ። 22 ታኒ ታ ዋዛናን ያሳ ሂጊያን ኡፋይታይስ። 23 ሺን ታ ኣሳቴላ ጊደን ዴዲያ ታ ቆፋ ሂጊያራ ኦሊቲያ ዲማ ሂጌይ ቤባይስ። ሄ ሂጌይ ታ ኣሳቴላ ጊደን ኦሊያ ናጋራ ሂጊያስ ታና ኣይሌ ኦሊዲ ኣሚስ። 24 ታኒ ዋኒዳ ዩባታ ኣሴ? ሃይቆስ ኤፊያ ሃ ኣሳቴላፊ ታና ኣሻናይ ኦኔ? 25 ኦ ጎዳ ዩሱስ ኪሪስቶሳ ባጋራ ታና ኣሺያ ያሳስ ጋላቲ ጊደ።

ሂዛ፣ ታኒ ታ ቆፋን ያሳ ሂጊያስ ሃሬታይስ፤ ሺን ታ ኣሳቴላን ታና ናጋራ ኦሲሲያ ሂጊያስ ሃሬታይስ።

8

ጌሻ አያናን ዴዎ

1 ሄሳ ጊሾ፣ ኪሪሰቶስ ዩሱሳን ዴዎይሳቲ ሃዒ ፐርዴቶኮና።
 2 ኪሪሰቶስ ዩሱሳ ገጋራ ኑስ ዴዎ ኢሚያ ጌሻ አያና ሂጌይ፣ ታና ናጋራኔ ሃይቆ ሂጌ ኣይሌቴላፊ ኬሲስ።³ ኑ ናጋራ ኣሳቴላ ጋሶን፣ ሂጌይ ዳቡራንቸ ጊዲያ ጊሾ ኑና ኣሻናው ዳንዳዒቤና። ያሳይ ባ ናዓ ናጋራንቸ ኣሳ ለሚሶን ናጋራስ ያርሾ ጊዳና ሜላ ኪቲዲ ሄሳ ኦሊስ። ያቲዲ፣ ያሳይ ኪሪሰቶሳ ኣሹዋ ገጋራ ናጋራ፣ ናጋራንቸ ኣሳ ጊዳን ፐርዲስ።⁴ ያሳይ ሄሳ ኦሊዲይ፣ ኑ ኣሾ ኣሞይ ኮዬይሳዳ ጊዳናሺን ጌሻ አያናይ ኮዬይሳዳ ዴዲያ ኑ ቦላ ሂጊያ ዒሎ ኪታይ ፖሌታና ሜላሳ።

5 ባንታ ኣሾ ኣሙዋ ካሊዲ ዴዎይሳቲ ባንታና ኡፋይሲያባ ቆፖሶና። ሺን ጌሻ አያና ሺኔን ዴዎይሳቲ ጌሻ አያና ኡፋይሲያባ ቆፖሶና።⁶ ኑ ቆፋይ ኣሾ ኣሞስ ሃሬቲኮ ሃይቆ ኤሂስ። ሺን አያና ኣሞስ ሃሬቲኮ ዴዎኔ ሳርቴሊ ኤሂስ።⁷ ኣሾ ኣሞስ ሃሬቲያ ኣሲ ያሳ ሂጊያስ ኪቲታናው ኮዮና ጊሾኔ ኪቲታናው ዳንዳዎና ጊሾ ያሳራ ሞርኬ።⁸ ባንታ ኣሾ ኣሙዋስ ሃሬቲይሳቲ ያሳ ኡፋይሳናው ዳንዳዎኮና።

9 ሺን ያሳ አያናይ ሂንቴናን ዴዒኮኔ ሂንቴና ሃሪኮ፣ ሂንቴ አያና ሺኔን ዴዎታፔ ኣቲን ሂንቴ ኣሾ ኣሙዋስ ሃሬቲኬታ። ኪሪሰቶሳ አያናይ ባይና ኦኒካ ኪሪሰቶሳባ ጊዳና።¹⁰ ሺን ኪሪሰቶሲ ሂንቴናን ዴዒኮ፣ ሂንቴ ኣሳቴላይ ናጋራ ጋሶን ሃይቁዳይሳ። ሺን ሂንቴ አያናይ ዒሎቴላ ጋሶን ዴዎን ዴዒስ።¹¹ ሺን ዩሱሳ ሃይቆፔ ዴንሊዳ ያሳ አያናይ ሂንቴናን ዴዒኮ፣ ኪሪሰቶሳ ሃይቆፔ ዴንሊዳ ያሳይ፣ ሂንቴናን ዴዲያ ባ ጌሻ አያናን ሃይቁያ ሂንቴ ኣሳቴላስ ዴዎ ኢማና።

12 ሂዛ፣ ታ ኢሻቶ፣ ኑኒ ኑ ኣሾ ኣሙዋ ካሊዲ ዳናው ቤሴና።
 13 ሂንቴ፣ ሂንቴ ኣሾ ኣሙዋስ ዴዒኮ ሃይቃና፣ ሺን ጌሻ አያና ዋልቃን ናጋራ ኦሱዋ ዋጂኮ ሂንቴ ዴዎን ዳና።¹⁴ ያሳ አያናይ ካሌሊያ ኡባይ ያሳ ናይታ።¹⁵ ኑኒ፣ «ኣባ፣ ታ ኣዋው» ያጊዲ ያጊያ፣ ያሳ ናይታ ኦሊያ ጌሻ አያና ኤኪዳፔ ኣቲን ዛሪዲ ያሻን ዳናው ኣይሌ ኦሊያ አያና ኤኪቦኮ።¹⁶ ያሳ አያናይ ኑ አያናራ ጊዲዲ ኑኒ ያሳ ናይታ ጊዴይሳ ማርካቴስ።¹⁷ ኑኒ ኢያ ናይታ ጊዲኮ ያሳ ኣንጂዋ ላታና፤ ኪሪሰቶሳራ ዋላ ሄ ኣንጂዋ ላታና።

8:11 1ቆር 3:16 8:15 ማር 14:36፤ ጋላ 4:6

ቃሲ ኮኒ ከሪስቶሳራ ሜቱዋ ኤኪኮ ኢያራ ዋላ ኢያ ቦንቹዋን ሻኬታና።

ያና ቦንቹዋ

18 ኮኒ ሃዒ ዋዬቲያ ዋያ፣ ሲንሳፌ ኮስ ቆንጫና ቦንቹዋራ ጋሊ ቤዒኮ፣ ጊኒሳናው ዳንዳዔቴና ጋዳ ቆፓይስ። 19 ሜዴቴላ ኡባይ ያሳ ናይታ ቆንጫጭላ ዳሮ ላሞቲዲ ናጎሶና። 20 ሜዴቴላ ኡባይ ሃዳ ጊዲሰ፤ ሄሲካ፣ ሜዴቴላ ዶሮን ጊዶናሺን ኡፋይሳን ናጋና ሜላ ኦሊዳ ያሳ ሼኔን ሃኒሰ። 21 ሜዴቴላይ ባ ሁዔን ቆዮ ኣይሌቴላፌ ዋዜቲዲ፣ ያሳ ናይታራ ዋላ ቦንቹ ላዒ ሻኬታና። 22 ሜዴቴላይ ኢሲፌ ሃኖ ጋካናው ሚያይ ኦይኪዳ ማጫሳዳ ኦሌኒኔ ኡንዓን ዴዔይሳ ኦ ኤሮስ። 23 ቃሲ ሄሳ ሜዴቴላ ያላላ ጊዶናሺን ጌሻ ኣያና ባይራ ኣሞታዳ ኤኪዳ ኮኒ፣ ኦ ሁዔን ኦ ኣሳቴላስ ዋዘ ጊዲዳ ያሳ ናይታ ጊዶና ኡፋይሳ ናጊሼ ኦ ኣሳቴላን ኦሎስ። 24 ሃ ኡፋይሳን ኮኒ ኣቲዳ። ሺን ኮኒ ኡፋይሲ ኦሊያባይ ቤንቲያ ጊዲኮ ሄሳ ኦኒ ኡፋይሲ ኦሊ? 25 ሺን ኦ ቤያናባ ዴማና ጊዲ ኡፋይሳን ናጊኮ ሄሳ ዳንዳዓን ናጎሶ።

26 ሄሳዳ ጌሻ ኣያናይ ኦ ዳቡራን ማዴስ። ኮኒ ያሳ ዋቲ ዋሳናው ቤሲያኮ ኤሮኮ፣ ሺን ጌሻ ኣያናይ ባ ሁዔን፣ ኣሲ ኦዳናው ዳንዳዔቶና ቃላን ኮስ ጋናቴስ። 27 ቃሲ ኣሳ ዋዛና ኤሪያ ያሳይ ጌሻ ኣያና ቆፋይ ኣይቤኮ ኤሬስ። ጌሻ ኣያናይ ያሳ ሼኒያዳ ጌሻታስ ጋናቴስ።

28 ያሳ ሲቁይሳታሲኔ ኢያ ሼኒያዳ ያጌቲዳይሳታስ ያሳይ ኡባ ሎዖስ ኦሊይሳ ኤሮስ። 29 ያሳይ ኮይሮቲዲ ኤሪዳይሳቲ ባ ናዓ ዳናና ሜላኔ ናዓይካ ኣማኔይሳታ ጊዶን ባይራ ጊዶና ሜላ ኤንታ ዲማዬዲ ዋሊስ። 30 ያሳይ ኮይሮቲዲ ዲማዬዳይሳታ ያጊሰ፤ ሄ ያጊዳይሳታ ያሊሲሰ፤ ሄ ያሊሲዳይሳታ ቃሲ ቦንቹስ።

ያሳ ሲቁዋ

31 ያቲን፣ ኦ ሃ ኡባስ ዋይጋኔ? ያሳይ ኦ ባጋ ጊዲኮ ኮራ ኦኔ ኤቁታናይ? 32 ኢ ሃሪ ኣቶሺን፣ ባ ናዓስ ቃዴቶናሺን፣ ኦ ጊሾ ኣሊ ኢሚስ። ያቲን፣ ባ ናዓ ኮስ ኣሊ ኢሚዳይሲ ዋኒዲ ኡባባ ጮ ኢሜኔ?

33 ያሳይ ኤንታና ያሊሲዳ ጊሾ ኢ ዶሪዳይሳታ ኦኔ ሞታናይ? 34 ያቲን፣ ኤንታ ቦላ ፒርዳናው ዳንዳዔይ ኦኔ? ኦኒካ ባዋ።

ሃይቆፔ ዴንዲዲ ያሳ ኡሻቻን ኡቲዳ፣ ኪሪሰቶስ ዩሱሲ፣ ኢ ኑስ ጋናቲስ።

35 ሂዛ፣ ኑና ኪሪሰቶሳ ሲቁዋፔ ሻካናይ ኦኔ? ዋዩዬ ዋይኮ ማቶዬ ዋይኮ ጎዳዬ ዋይኮ ኮሼዬ ዋይኮ ካሎቴሌዬ ዋይኮ ያሼዬ ዋይኮ ኦሌዬ? 36 ጌሻ ማፃፋን፡

«ኑኒ ኔ ጌሻ ጋላሳ ኩሜላ ሃይቆስ፤ ሹካስ ኤፊያ ዶርሳዳ ታይቤቲዳ»

ጌቲቲዲ ፃፊቲዲይሳ ማላ ጌዲስ።

37 ሺን ኑኒ፣ ኑና ሲቁዳ ኪሪሰቶሳን ሃ ኡባ ፖሎ ያኖስ።

38 ሄሳ ጌሹ፣ ሃይቆ ጌዲን ዴዎ ጌዲን ኪታንቸታ ጌዲን ሃሬይሳታ ጌዲን ሃዲ ዴዌይሳ ጌዲን ሲንጻፌ ያናይሳ ጌዲን ዋልቃማታ ጌዲን፣ 39 ሳሎ ዋልቃ ጌዲን ሳዓ ዋልቃ ጌዲን ኣይ ሜዴቲሌ ጌዲን ኑ ጎዳ፣ ኪሪሰቶስ ዩሱሳን ዴዲያ ያሳ ሲቁዋፔ ኑና ሻካናው ዳንዳናይሳ ታኒ ኤራስ።

9

ኢስራዌልታ ዶሬቲላ

1 ታኒ ኪሪሰቶሳን ቱማ ኦዳይስ፣ ዋርዶቲኬ። ጌሻ ኣያናይ ካሌሊያ ታ ካሃይ ታኒ ዋርዶቶናይሳ ታው ማርካቲስ። 2 ታ ዋዛናን ኢስራዌልታስ ዳር ቃዴታይሲኔ ቃማ ጋላስ ቆፓይስ። 3 ታኒ፣ ታ ኢሻታ ጌሹ ኪሪሰቶሳፔ ሻኬታዳ ያሳ ቃንጌላፌ ጋርሳን ዴዲዳኮ ደሳይሲሺን። 4 ኤንቲ ኢስራዌልታ፣ ያሳይ ኤንታ ባ ናይታ ኦሊስ፣ ባ ቦንቹዋ ኤንታው ቆንጨሲስ። ኤንታራ ጫቂስ፤ ሂጊያ ኤንታው ኢሚስ። ኤንቲ ያሳ ጎይናና ቱማ ኦጊያ ቤሲስ፤ ያሳይ ኡፋይሳ ቃላ ኤንታው ኢሚስ። 5 ኤንቲ ዩሌቴላን ማይዛታ ዛሬ፤ ቃሲ ኪሪሰቶሲ ኢሻን ኤንታ ዛሬ ጌዲዲ ዩስ። ኡባፌ ቦላ ጌዲዳ ያሳይ ሜሪናው ጋላቲቶ። ኣሚንዲ!

6 ጌዶሺን፣ ያሳይ ጌሊዳ ቃላይ ፖሌቶና ኣቲስ ጉሱ ጌዴና። ኢስራዌል ኣሳ ኡባይ ያሳ ኣሲ ጌዶኮና። 7 ቃሲ ኣብራሃሜ ዛሬ ኡባይ ኣብራሃሜ ናይታ ጌዶኮና። ያሳይ ኣብራሃሜስ፣ «ኔ ዜሬላይ ዩሳቃ ባጋራ ቄጌታና» ያጌስ። 8 ሄሳ ጉሳይ ኢሻን ዩሌቴዳ ናይቲ ኡባይ ያሳ ናይታ ጌዶኮና። ሺን ቱማ ኢስራዌል ናይቲ ያሳይ ኣብራሃሜስ ጌሊዳ ቃላዳ ዩሌቴዳ ናይታ። 9 ያሳይ ኢሻና ጌዲ ጌሊዳ ቃላይ፣ «ታኒ ዋንቶ ላይሊ ሃኖዴ ያና፤ ሳራካ ኣዳ ናዓ ዩላና» ያጌይሳ።

8:36 ማዝ 44:2 9:4 ኬሳ 4:22 9:7 ሜዴ 21:12 9:9 ሜዴ 18:10

10 ሄሳ ፃላላ ጊደናሺን ኢርቢቂኔ ዪሳቂ ዬሊዳ ሜንቴ ኣዳ ናይታባ ኣኩኪቲ። 11 ኤንቲ ዬሌታናፕ ዋይኮ ኢታ ዋይኮ ሎዖ ኦላናፕ ሲንጼ ያሳ ደርይ ኦሶን ጊደናሺን ፃሳን ጊዳይሳ ቆንጪሳናው። 12 «ባይራይ ካሉዋሰ ኪቲታና» ያጊዲ ጎዳይ ኢርቢቃሰ ኦዲሰ። 13 ሄሲካ ጌሻ ማፃፋን፡ «ያይቆባ ደሳሰ፡ ኤሳዋ ኢፃሰ» ጌቲቲዲ ፃፊቲሰ።

14 ያቲን፡ ኪ ዋይጋኔ? ያሳይ ኣሴ ኣሳፕ ሻኪዬ? ጊዳና። 15 ጎዳይ ሙሴኮ፡

«ታ ማራናው ኮዪዳይሳታ ማራና፤ ታ ቃዴታናው ኮዪዳይሳታሰ ቃዴታና» ያጊሰ። 16 ሂዛ፡ ያሳ ደርይ ኣሳ ሼኔን ዋይኮ ኦሶን ጊደናሺን ኢያ ማርቲፋና።

17 ጌሻ ማፃፋን፡ ጊብፂ ካዉዋኮ፡ «ታኒ፡ ታ ዋልቃ ኔናን ቤሳናዉኔ ታ ሱንጎይ ኣላሜ ኡባን ኤሬታና ሜላ ሄሳሰ ኔና ካዋሳሰ» ጌቲቲዲ ፃፊቲሰ። 18 ሂዛ፡ ያሳይ ማራናው ኮዪይሳ ማሬሰ፤ ዋዛና ሙሚሳናው ኮዪይሳ ዋዛና ሙሚሴሰ።

ያሳ ሃንቁዋኔ ማርቲሳ

19 ሂንቴፊ ኢሶይ፡ «ያቲን፡ ያሳይ ኣሴ ኢታ ኦሶ ጊሾ ኣይሰ ቦሪ? ያሳ ሼኒያ ኢፃሰ ጋናይ ኦኔ?» ያጊዲ ኦይቻናው ዳንዳዔሰ።

20 ሺን ታ ኢሻው፡ ያሳራ ፓላማናው ኔኒ ኦኔ? ኡርቃፊ ሜዴቲዳ ሚሼይ ባና ሜዲዳይሳ፡ «ታና ሃይሳዳ ኦላዳ ኣይሰ ሜዳዲ?» ጊዲ ኦይቻናው ዳንዳዲ? 21 ዋይኮ ኡርቃ ሜዴይሲ ኢሲ ኡርቃፊ ኢሱዋ ቦንቾ ሚሼ፡ ሃንኩዋ ቃሲ ቶሼ ሚሼ ኦሊዲ ሜዳናው ማቲ ባዌ?

22 ያሳይ ባ ሃንቁዋ ቤሳናዉኔ ባ ዋልቃ ኤሪሳናው ኮዪዲ፡ ፐርዳሰ ጊጊዳ ሃንቆ ናይታ ዳር ጌንጫን ዳንዳዲዳኮ ኔ ኣይ ኤራይ? 23 ሄሳ ኢ ኦሊዳይ ኮይርቲዲ ቦንቾሰ ጊጊሲዳ፡ ባ ደሪዳ ናይታሰ ባ ቦንቾዋ ቆንጪሳናሳ። 24 ኣይሁዳ ጊዲን፡ ዋይኮ ኣይሁዳ ጊደና ኣሳ ኡባይ ያሳን ደሬቲዳ።

25 ናቢያ ሆሴዔ ማፃፋን፡ «ታ ኣሴ ጊደናይሳታ፡ ታ ኣሴ» ጋዳ ፃጋና። ታ ሲቃቦና ዳሪያ፡ «ሲቁቲዳይሳታ» ጋዳ ፃጋና። 26 ኤንቲ፡ «ታ ኣሴ ጊዳኬታ» ጌቲቲ ፃጌቲዳ ቤሳን፡ «ዳዖ ያሳ ናይታ» ጌቲቲዲ ፃጌታና» ያጊሰ። 27 ናቢያ ኢሳያሲ ኢሰራዔሌ ኣሳባ፡

9:12 ሜዴ 25:23 9:13 ሚል 1:2 9:15 ኬሳ 33:19 9:17 ኬሳ 9:16 9:20 ኢሳ 29:16፤ 45:9 9:25 ሆሴ 2:23 9:26 ሆሴ 1:10

«ኢስራዔል አሳይ አባ ጋፃን ዳዒያ ሻፊያዳ ዳሪኮካ፡
 ኤንታፌ ጉላ አሳ ፃላሊ አታና።
 28 ጎዳይ አላሚያ ኡባ ቦላ ኤሌሲዲ ፖሎ ፒርዳ ፒርዳና።»
 29 ቃሲካ አሳያሲ፡
 «ኡባፌ ዋልቃማ ጎዳይ ኑሰ ጉላ ዜሬሊ አሾናባ ጊዲያኮ፡
 ኑኒ ሶደሜኔ ጋሞራ ካታማዳ ቆያናሺን»
 ያጊዲ ኮይሮቲዲ ኦዲሰ።
 30 ያቲን፣ ኑ ዋይጋኔ? ዲሎቴላ ኮዪቦና አይሁዳ ጊደና
 አሳይ አማኖን ዲሎቴሊ ዳሚደሶና። 31 ሺን ዲሎቴላኮ ጋሊያ
 ሂጌይ ዳዒያ ኢስራዔል አሳይ ዲሎቴሊ ዳሚቦኮና። 32 አይሰ
 ዳሚቦኮና? ኤንቲ ዲሎቴላ አማኖን ጊደናሺን ኦሶን ኤካናው
 ኮዪዳ ጊሾሳ። ያኒያ ጊሾ፣ ኤንቲ፣ «ቆቢያ ሹቻን» ቆቤቲደሶና።
 33 ጌሻ ማፃፋን፡
 «ታኒ ዲዮኔን ቆቢ ኩንዲሲያ ሹቻ ዋላና።
 ኢያን አማኒያ ኦኒካ ዬላቴና»
 ጌቲቲዲ ፃፊቲሰ።

10

1 ታ አሻቶ፣ ታ ኩሜላ ዋዛናን ታ አሞቴይኔ ያሳ ዋሴይ
 ኢስራዔልይ አታና ሜላሳ። 2 ኤንቲ ያሳሰ ሚሼቶሶናሺን፣ ቱማ
 ኤራቴላን ሚሼቶናይሳ ታ ማርካታይሰ። 3 ኤንቲ ያሳ ዲሎቴላ
 ኦጊያ ኤርና ኢዲዲ፣ ባንታ ሁዔ ዲሎቴላ ካሊደሶናፔ አቲን ያሳ
 ዲሎቴላ ኮዪቦኮና። 4 አሲ ኡባይ አማኖን ዲላና ሜላ ኪሪሰቶሲ
 ሂጊያ ፖሊሰ።

አቶቴላይ ኡባሳ

5 አሲ ሂጌ ናጊዲ ኤኪያ ዲሎቴላባ ሙሴይ ፃፊሹ፣ «ሂጌ ናጊያ
 ኦኒካ ሄ ሂጊያ ናጊዳ ሚላ ዳዔሰ» ያጊሰ። 6 ሺን አማኖን ኤኪያ
 ዲሎቴላባ ጌቲቲዳይ ሃይሳ፡ «ኔ ዋዛናን፣ «ኦኒ ሳሎ ኬያኔ?»
 ያጎፓ፤ ሄሲ ኪሪሰቶሳ ዋቋሳናሳ። 7 ዋይኮ፣ «ዲጌ ሳዓ ጋርሲ
 ዋቋናይ ኦኔ?» ጎፓ፤ ሄሲ ኪሪሰቶሳ ዱፎፔ ኬሳናሳ። 8 ሺን ያጊዲ
 ፃፊቲሰ፡ «የሳ ቃላይ ኔ ማታና፤ ኔ ደናኒኔ ኔ ዋዛናን ዳዔሰ» ኦኒ
 ሂንቲው ኦዲያ አማኖ ቃላይ ሃይሳ።
 9 «ዬሱሲ ጎዳ» ጋዳ ኔ ደናን ማርካቲኮኔ ያሳይ ኢያ ሃይቆፔ
 ዳንሊዳይሳ ኔ ዋዛናን አማኒኮ፣ ኔ አታና። 10 አሲ ባ ዋዛናን

9:27 እሳ 10:22-23 9:29 እሳ 1:9 9:33 እሳ 28:16 10:5 ለዌ
 18:5 10:6 ዛሬ 30:12-14

አማኒዲ ዓለስ፤ ባ ዶናን ማርካቲዲ አቲስ። 11 ጌሻ ማፃፋይ፡ «ኢያን አማኒያ ኦኒካ ዩላቴና» ያጌስ። 12 ኢሲ ያሳይ ኡባ ጎዳ ጊዲያ ጊሾ አይሁዳታ ጊዶኒኔ አይሁዳ ጊዶና አሳ ጊዶን ዲማቴላ ባዋ። ኢ ባና ያጊያ ኡባስ ዳሮ ኬሃ። 13 ጌሻ ማፃፋይ፡ «ጎዳ ሱንጎ ያጊያ ኦኒካ አታና» ያጌስ።

14 ያቲን፡ ኤንቲ አማኖና ዳዒሼ ዋኒዲ ኢያ ያጋናው ዳንዳያና? ኤንቲ ኢያባ ሲዖና ዳዒሼ ዋቲዲ ኢያ አማናናው ዳንዳያና? ቃሲ ኤንታው ቃላ ኦዲያ አሲ ባይና ዳዒሼን፡ ዋኒዲ ሲዓናው ዳንዳያና? 15 ከቲቲዳ አሲ ባይና ዳዒሼን፡ ቃላይ ዋኒዲ ኦዳታናው ዳንዳዒ? ጌሻ ማፃፋን፡ «ኡፋይሳ ዋንጌላ ኦዲያ አሳ ቶሆቲ ዋኒዲ ሎዖና!» ያጊዲ ፃፊቲስ።

16 ሺን ኢሳያሲ፡ «ጎዳው፡ ኑ ማርካቲላ ኦኒ አማኒዴ?» ያጊዳይሳዳ፡ ኡባይ ዋንጌላ አማኒቦኮና። 17 ሄሳ ጊሾ፡ አማናይ ሲሳፊ ዩስ፤ ሲሲ ከሪስቶሳ ቃላፔ ዩስ።

18 ጊዶሺን፡ ኢሰራዔል አሳይ ቃላ ሲዒቦኮና ጉሴዬ? አካይ ሲዒዶሶና። ጌሻ ማፃፋን፡ «ኤንታ ቃላይ ቢታ ኡባን ሲዒቲስ፡

ኤንታ ኦዳይ ሳዓ ጋፃ ጋኪስ» ያጌቲስ። 19 ሺን ኢሰራዔል አሳይ ኤሪቦኮና ጉሴዬ? ሙሴይ ካሴ፡

«ታኒ ሂንቴና ለቁቲዳ አሳን ቂሮይሳና፤ ቃሲ ኤያ አሳን ሂንቴና ዩሎያና» ያጊስ።

20 ቃሲ ኢሳያሲ፡ «ታና ኮዩቦና አሳስ ቤንታስ፤ ታና ኦይቺቦና አሳስ ቆንጫስ» ያጊዲ ያዮና ኦዲስ።

21 ሺን ኢሳያሲ ኢሰራዔልታባ ኦዲሼ፡ «ኡባ ዋዴ ከቲቶና አሳሲኔ ታና ኢዲያ አሳስ ታ ኩሺያ ሚጫስ» ያጌስ።

11

ያሳይ ኢሰራዔልታ አገቤና

1 አኔ ታ ኦይቻይስ፡ ያቲን፡ ያሳይ ባ አሳ አገዴዬ? አገቤና! ታኒ ታ ሁዔን ኢሰራዔል፤ አብራሃሜ ሼሺ፤ ቢኒያሜ ዛሬ።

10:11 ኢሳ 28:16 10:13 ኢዩ 2:32 10:15 ኢሳ 52:7 10:16 ኢሳ 53:1 10:18 ማዝ 19:4 10:19 ዛሬ 32:21 10:20 ኢሳ 65:1 10:21 ኢሳ 65:2

2 ያሳይ ኮይሮ ደሪዳ ባ አሳታ ዩጌና። ጌሻ ማፃፋን፣ ኤሊያሲ ኢሰራዔላታ ያሳ ሲንፋን ዋቲ ሞቲዳኮ፣ ሂንቴ ኤሬኬቲ? 3 ኤሊያሲ፣ «ጎዳው፣ ኤንቲ ኔ ናቤታ ዎዲደሶና፣ ኔ ያርሾ ቤሳካ ላሊደሶና። ታ ታርካ አታሰ፤ ኤንቲ ታናካ ዎዲደው ኮዮሶና» ያገሰ።

4 ያሳይ ኢያው ዎይጊ ዛሪዴ? «ባዓሌ ኤቃሰ ጎይኒቦና ላቸን ሙኩሉ አሳ ታው አሻሰ» ያገሰ።

5 ሄሳዳካ፣ ሃ ዎዲያን ያሳይ ባ አጵ ኬሃቴፋን ደሪዳ ጉፋ ኢሰራዔሌቲ ዴዎሶና። 6 ኢ ኤንታ ደሪዳይ ባ አጵ ኬሃቴፋናፔ አቲን ኤንታ ኦሶን ጊዴና። ደርይ ኦሶን ጊዲኮ፣ ኢያ አጵ ኬሃቴፋይ ቱማ አጵ ኬሃቴላ ጊዴና።

7 ያቲን፣ ዋኒዴ? ኢሰራዔሌቲ ባንታ ኮያባ ዴሚቦኮና፣ ሸን ያሳይ ደሪዳ ጉፋቲ ዴሚደሶና። አቲዳይሳቲ ባንታ ዎዛና ሙሚሲደሶና። 8 ሄሲካ፣ ጌሻ ማፃፋን፣

«ኤንቲ ባንታ አይፊያን ቤዎናዳ
ባንታ ሃይፋን ሲዎናዳ፣

ሃኖ ጋካናው ኤንታው
ያሳይ አዛላ አያና አሚሰ»

ጌቲቲዲ ፃፊቲዳይሳዳ ሃኒሰ። 9 ቃሲ ዳዊቲይ፣

«ኤንቲ ሚያ ጋይታይ ኤንታ ጊሄዳ ኦይኮ፤
ኤንታ ጉፋንሊያ አፎ ጊደ፤
ኤንታ ኢታቴፋይ ኤንታ ቦላ ጋኮ።

10 ኤንቲ ፀሎናዳ ኤንታ አይፊይ ጎዜቶ፤
ኡባ ዎዴ ሜቶን ኤንቲ ኩኒዲ ዴዎ» ያገሰ።

11 ያቲን፣ አይሁዴቲ ዛሪ ዴንደና ሜላ ኩንዲደናዬ? ጊዴና! ኤንታ ኩንዴፋይ አይሁዴ ጊደና አሳይ አታና ሜላ ጋሶ ጊዲሰ። ሄሲካ አይሁዴቲ ኤንታ ቦላ ቃናታናዳ ኦሊሰ። 12 አይሁዴታ ናጋራይ አላሚያሰ ዳር አንጅ ኤሂሰ፤ ቃሲ ኤንታ ኩንዴፋይ አይሁዴ ጊደና አሳሰ ዳር አንጅ ጊዲሰ። ያቲን፣ ደሬቲዳ አይሁዴቲ ኩሜላ አቲያ ዎዴ አንጅይ አይ ሜላ ዳራንዴሻ!

13 ታኒ፣ ሃዒ ሂንቴው አይሁዴ ጊደና አሳሰ ኦዳይሰ። አይሁዴ ጊደና አሳሰ ሃዋሬ ጊዳዳ ኦሊይሳን ታኒ ዳር ጩቁታይሰ። 14 ታ ሄሳ ኦሊዳይ ታው አሻን ዛሬ ጊዲዳ ኢሰራዔሌታ ቂርያዳ ኤንታፊ ጉፋታ አሻናሳ። 15 ያሳይ ኤንታ ዩጊዳ ዎዴ ሃ አላሜይ ያሳራ

11:1 ፊል 3:5 11:3 1ካዎ 19:10፣ 14 11:4 1ካዎ 19:18 11:8
ዛሬ 29:4፤ ኢሳ 29:10 11:9 ማዝ 69:22-23

ሲጌቲስ። ያሳይ ኤንታ ሺሺ ኤኪያ ዋዴ ሃይቂዳ ኣሲ ሃይቆፔ ዴንዲዳ ማላ ገዴስ።

16 ኮይሮ ማንሱዳ ባሶ ኡይላይ ያሳስ ያርሼቲዲ ጌሺ ገዲኮ። ሙሜ ኡይላይካ ጌሺ። ማላስ ፃጶይ ጌሺ ገዲኮ። ታሼይካ ጌሺ።

17 ጋዴን ቶኪዳ ሻማሆ ታሼ ገዲዳ ኣይሁዴቲ ካሬቲን፣ ሂንቲ ባዞን ዶሊዳ ሻማሆ ታሼ ገዲዳ ኣይሁዴ ገደናይሳቲ ኤንታ ቤሳን ጳንሌቲዲ ኤንታ ኣንጂዋኔ ዱሬቴላ ሻኬቲዴታ። 18 ሂዛ፣ ሂንቲ ታሼዳ ካሬቲ ዋዲዳ ኣይሁዴታ ቦላ ኦቶርቶፊቴ። ሂንቲ ኦቶርቲያባ ገዲኮ። ፃጶይ ሂንቲና ቶኬሲፔ ኣቲን ሂንቲ ፃጶዋ ቶኮናይሳ ኣኬኪቲ።

19 ኔኒ፣ «ሄ ታሼቲ ካሬቲዳይ፣ ታ ኤንታ ቤሳን ጳንሌታና ማላሳ» ጋናው ዳንዳሳሳ። 20 ሄሲ ቱማ። ኤንቲ ኣማኒቦና ገሾ ካሬቲዶሶና። ኔኒ ኣማኒዳ ገሾ ሄ ቤሳን ኤቃዳሳ። ኔኒ ያናናው ቤሴሰፔ ኣቲን ኦቶራናው ቤሴና። 21 ያሳይ ማዶን ታሼ ገዲዳ ኣይሁዴታስ ቃዴቶና ኢዲኮ ሂንቲወካ ቃዴቴና።

22 ሂዛ፣ ያሳይ ኣይ ማላ ኬሂኮኔ ኣይ ማላ ያሺያኮ ቤሳ። ኢ ያሼይ ከቲቶናይሳታ፣ ቃሲ ኢ ኬሂይ ኢያ ኣማኒዲ ማኒዲ ኤቂዳይሳታሳ። ማኒዲ ኤቆና ኢዲኮ ሂንቲካ ካሬታና። 23 ኣይሁዴቲ ኣማኒኮ፣ ካሴ ኤንቲ ዴዲያ ቤሳ ሲማና። ያሳይ ኤንታ ዛሬዲ፣ ዋላናው ዳንዳዴስ። 24 ሂንቲና ባዞን ዴዲያ ሻማሆ ገዲዳ ኣይሁዴ ገደናይሳታ ቃንዲዲ፣ ጋዴን ቶኬቲዳ ሻማሆ ቦላ ሂንቲና ቶኪኮ፣ ማዶን ጋዴ ሻማሆ ገዲዳ ኣይሁዴታ ባንታ ኮይሮ ቤሳን ዛሬ ቶካናው ዋኒዲ ዳንዳዴቴኔ?

ያሳ ማርቴላይ ኡባሳ

25 ታ ኢሻቶ፣ ሂንቲ ሂንቲና ኤራንቾ ገዲ ጩቂቶፊቴ። ታ ሂንቲው ኦዲያ ኢሲ ፀሪ ዴዴስ። ሄሲካ ኢሰራዴሌታፔ ባጋይ ሲያና ኢዲዳይ ዉርሴላ ጋካናው ገደናሺን ኣታናው ዴዲያ ኣይሁዴ ገደና ኣሳይ ኩሜሊ ያሳኮ ያና ጋካናሳ። 26 ሄሳዳካ፣ ኢሰራዴሌ ኣሳ ኡባይ ኣታና። ጌሻ ማፃፋን፣

«ኑና ኣሼይሲ ዲኮኔፔ ያና፤ ያይቆባ ዜሬላፌ ኢታ ኡባ ዲጋና።

27 ታኒ ኤንታ ናጋራ ኣቶ ገያ ዋዴ ኤንታራ ጫቃና ጫቆይ ሃይሳ» ጌቲቲዲ ፃፊቲስ።

28 አይሁዳት ዋንጌላ ኤኮና ኢዲዲ፣ ሂንቴ ጊሾ ያሳራ ሞርኬ ጊዲዶሶና። ጊደሺን፣ ሃዒካ ኤንቴ ዶሪተዳይሳታ፣ ያሳይ ኤንታ አዋታ ጊሾ ኤንታ ዶሴስ። 29 ያሳይ ባ ኢሙዋኒኔ ባ ፃሳን ቂሮቴና። 30 ሂንቴ አይሁዳ ጊደናይሳቲ ካሴ ያሳሰ ኪቴቲቤኬታ። ሺን ሃዒ አይሁዳት ኪቴቶና ኢዲን፣ ሂንቴ ያሳ ማሮቴላ ኤኪዳታ። 31 ሄሳዳካ፣ ሂንቴ ኤኪዳ ማሮቴላ አይሁዳት ኤካና ሜላ ሃዒ ያሳሰ ኪቴቶና ኢዲዶሶና። 32 ያሳይ አሳ ኡባ ባ ማሮቴላ ቤሳናው ኮዩዲ፣ አሲ ኡባይ ኪቴቶና ኢፃና ሜላ ኦሊስ። 33 ያሳ ዱሬቴላ፣ ጨንጫቴላኔ ኤራቴላ አክኪዲ ኦዳናይ ኦኔ? ኢያ ፐርዳይ ፐሊጌቴና፣ ኢያ ኦጌይ ኤራቴና። 34 ጌሻ ማፃፃን፣ «ጎዳ ቆፋ ኤሪይ ኦኔ? ኢያ ዘራናው ዳንዳዔይ ኦኔ? 35 ያሳሰ ታልዔይኔ ታልዔያ ዛሪዲ ኤኬይ ኦኔ?» ያጌስ። 36 ኡባ ኢ ሜዲስ፤ ኡባይ ኢያን ዳዔስ፤ ኡባይ ኢያ ቦንቸሳ። ያሳሰ ሜሪናው ቦንቸይ ጊደ። አሚንዒ።

12

ኪሪሰቶሳን ኦራላ ዴያ

1 ሂዛ፣ ታ አሻቶ፣ ሂንቴ፣ ሂንቴ አሳቴላ ያሳ ኡፋይሲያ፣ ዴያኔ ጌሻ ያርሾ ኦሊዲ፣ አማና ሜላ ታኒ ሂንቴና ያሳ ማሮቴላን ዋሳይስ። ያሳ ሂንቴ ጎይናናው ቤሲያ ቱማ ኦጌይ ሄሳ። 2 ሎያ፣ ኡፋይሴይሳኔ ፖሎ ጊዲዳ ያሳ ሺኒያ ሂንቴ ሻኪ ኤራናው ሂንቴ ቆፋን ላሜቴቴቴ ኣቲን ሃ አላሚያ ዳናፒቴ። 3 ያሳይ ሂንቴ ኢሱዋስ ኢሱዋስ ኢሚዳ አማኑዋ ሜላ ዋዛናማ አሳዳ ቆፒቴ። ቆፓናው ቤሴይሳፌ ኣሊዲ ሂንቴና ዲማዩዲ፣ ኦቶሮን ቆፖፊቴ ጋዳ ታው ኢሜቲዳ አጾ ከሃቴላን ሂንቴው ኦዲይስ። 4 ኦ ኢሲ አሳቴላ ጊደን ዲማ ዲማ ኪፊሌቲ ዴያሶና፤ ሄ ዲማ ዲማ ኪፊሌታስ ዲማ ዲማ ኦሶይ ዴዔስ። 5 ሄሳዳ፣ ኦኒ ዳሮ አሲ ጊዲኮካ ኪሪሰቶሳን ኢሲ አሳቴላ ጊዲዳ። ኦኒ ኢሲ አሳቴላ ጊዲዲ ዲማ ዲማ ኪፊሌቲ ኢሶይ ኢሱዋራ ኦይኬቴዳ። 6 ኦስ ኢሜቲዳ አጾ ከሃቴላን ዲማ ዲማ አሞታቲ ዴያሶና። ኦ አሞይ ቲንቢት ኦዶ ጊዲኮ፣ ኦስ ዴዔያ አማኑዋ ሜላ ኦዳናው

11:33 ኢሳ 55:8 11:34 ኢሳ 40:13 11:35 ኢዮ 41:11 11:36 1ቆሮ 8:6 12:4 1ቆሮ 12:12

ቤሴስ። 7 ኑ አሞይ ሃራታ ማዴ ገዲኮ፣ ሄ ኑሱዋን ማናናው ቤሴስ፤ ታማርሶ ገዲኮ፣ ሄ ታማርሱዋን ማናናው ቤሴስ። 8 ኑ አሞይ ሃራታ ማንሌሶ ገዲኮ፣ ማኒዲ ማንሌሳናው ቤሴስ። ኑ አሞይ ኑስ ዴዲያባፔ ሃራታስ አሞ ገዲኮ፣ ዋዛናፔ አሞናው ቤሴስ። ኑ አሞይ አይሶ ገዲኮ፣ ማኒዲ አይሳናው ቤሴስ። ኑ አሞይ ሃራታስ ከሆ ገዲኮ፣ ኡፋይሳን ከሃናው ቤሴስ።

9 ሂንቴ ሰቆይ ቆጆፔ ቆሞን ገዳናው ቤሴና። አታባ አፃፔ፤ ሎቦባ ማንሊዲ ኑይኪፔ። 10 አሶይ አሱዋራ አሻዳ ሰቆፔ፤ አሶይ አሱዋ ቦንቸፔ። 11 አዛሎፊፔ፤ ሂንቴ አያናን ማኒዲ ጎዳስ ኦሊፔ። 12 ያሳይ አሚዳ ኡፋይሳን ኡፋይፔ፤ ሜቱዋ ዳንዳዲ፤ ኡባ ዋዴ ያሳ ዋሲፔ። 13 አማኒያ ጌሻታ ኮሺያባን ማዲ፤ አማላታ ሞኪፔ።

14 ሂንቴና ጎዴይሳታ አንጂፔ፤ አንጂፔፔ ኣቲን ባዶፊፔ። 15 ኡፋይፔሳታራ ኡፋይፔ፤ ዩኬይሳታራ ዩኪፔ። 16 አሶይ አሱዋራ አሲ ቆፋን ዴዲፔ። ኦቶሮ ቆፋ አገዲ፣ ሂንቴና ካዉሺዲ፣ ካዉሻ ኦሶ ኦሊፔ። ሂንቴ ሂንቴና ጨንጫ ገዲ ቆፖፊፔ።

17 ኦኒካ ሂንቴው አታባ ኦሊኮ፣ ሄ ኡራስ አታ ዛሮፒፔ። አሳ ኡባ ሰንላን ናሺሲያ ሎፖ ኦሶ ኦሊፔ። 18 አሳ ኡባራ ሳሮን ዳናው ሂንቴው ዳንዳዲያ ኡባ ኦሊፔ። 19 ታ አሻቶ፣ ሂንቴ፣ ሂንቴ ሁዴን አሳስ ሃሎ ኬዮፒፔ። ያሳይ ሃሎ ኬያና ሜላ አያው አጋገፔ። ጌሻ ማፃፋን፣

«ታኒ ሃሎ ኬያና፤
ታኒ ኩሺ ዛራና»
ያጌስ ጎዳይ፣ ጌቴፔዲ ፃፊፔስ።

20 ሺን ጌሻ ማፃፋን፣
«ኔ ሞርኬይ ኮሻፔኮ ሙዛ፤
ኢ ሳሞፔኮ ኡሻ።
ኔኒ ሄሳ ኦሊኮ አያ ሁዴን
ዩላ ታማ ቦንቆ ቆላሳ»
ጌቴፔዲ ፃፊፔስ።

21 አታ ሎፖን ያናፔ ኣቲን አታን ያኔቶፋ።

13

ዴሪያ አይሴይሳታስ ኪቴቴላ

12:6 1ቆር 12:4-11 12:14 ማቶ 5:44፤ ሉቃ 6:28 12:16 ሉጫ 3:7
12:19 ዛሬ 32:35 12:20 ሉጫ 25:21

1 ያሳ ሼኔ ገደናሺን ማቲ አሜቶና ገሾኔ ሃዒ ዳዒያ ሹማቲካ ያሳ ሼኔን ሹማቲዳ ገሾ ኣሲ ኡባይ ዳሪያ ኣይሴይሳታሰ ከቲታናው ቤሴስ። 2 ሄሳ ገሾ፣ ማታራ ዳዒይሳታሰ ከቲቶና ኢዲያ ኦኒካ ያሳ ከታ ኢዳስ። ከቲቶና ኢዲያ ኦኒካ ባ ቦላ ፒርዳ ኤሄስ። 3 ኣይሴይሳቲ ኢታ ኦፊይሳታፔ ኣቲን ሎዎ ኦፊይሳታ ያሾኮና። ኣይሴይሳታሰ ያዮና ኣጋናው ኮያይ? ያኮ ሎዎ ኦላ፤ ኤንቲ ኔና ጋላታና። 4 ኤንቲ ኔው ሎዎባ ኦላናው ሹማቲዳ ያሳ ኣይሴ። ሺን ኔኒ ኢታባ ኦሊኮ፣ ኤንቲ ኢታባ ኦሊዳይሳ ሴሪያ ገሾ ኢያው ያያ። ኤንቲ ኢታ ኦፊይሳታ ሴሪዲ፣ ያሳ ሃንቁዋ ቆንጨሲያ ያሳ ኣይሴ። 5 ሄሳ ገሾ፣ ያሳ ሃንቁዋ ዓላላሰ ገደናሺን ሂንቲ ካሃይ ማርካቲያ ገሾ ዳሪያ ኣይሴይሳታሰ ከቲታናው ቤሴስ።

6 ሂንቲ ገራ ገሬይካ ሄሳሳ። ዳሪያ ኣይሴይሳቲ ሄ ኦሱዋ ኦፊይ፣ ኤንቲ ያሳ ኣይሴታ ገዲዳ ገሾሳ። 7 ኢሱዋስ ኢሱዋስ ቤሴይሳ አሚቲ። ገራ ገራናው ቤሴይሳሰ ገሪቴ፤ ቃራፃ ቃንፃናው ቤሴይሳሰ ቃራፃ ቃንፃቴ፤ ያያናው ቤሴይሳሰ ያዩቴ፤ ቦንቾይ ቤሴይሳ ቦንቾቴ።

ሲቄቲቲ

8 ኢሶይ ኢሱዋራ ሲቄቲቲ። ሲቆ ኣጮፔ ኣቲን ሂንቲ ቦላ ሃራ ኣጮይ ደፖ። ኣሴ ሲቄያ ኦኒካ ሂጌይ ጌይሳ ፖሊስ። 9 «ላዎፋ፤ ዎዶፓ፤ ካይሶቶፓ፤ ኣዎቶፋ» ገያ ከታይኔ ሃራ ከታ ኡባይ፣ «ኣሴ ኔ ሁዔዳ ደሳ» ገያ ከታን ቃሼቲስ። 10 ኣሴ ሲቄያ ኦኒካ ኢያ ቦላ ኢታባ ኦፊና። ሄሳ ገሾ፣ ኣሴ ሲቄይሴ ሂኔ ከታ ፖሊስ።

11 ዲስኮሬ ሂንቲ ባርኪያ ዎዳይ ሃዒ ገዳይሳ ኣከኪዲ ሄሳ ኦሊቲ። ኑ ኣታና ዎዳይ ኮይር ኑ ኣማኒዳ ዎዲያፔ ሃዒ ኑኮ ማቲስ። 12 ዱማ ዎዳይ ኣቆናው ሃኔስ፤ ዎንታይ ማቲስ። ሂዛ፣ ኑኒ ዱማ ኦሶ ኣገዲ ፖዎ ኦላ ሚሼ ኦይኮስ። 13 ኣኔ ጋላሰ ፖዎን ዳዒያ ኣሳዳ ማራን ዳዎስ። ማላኒኔ ላይማቲላራ ጋሂቲያ ዲማ ዲማ ቱና ኦሶታን፣ * ፓላማኒኔ ቃናቲን ገደፖ። 14 ጎዳ ዬሱስ ከሪሰቶሳ ካንዲዎ ማዒቲ፤ ሂንቲ ናጋራንቾ ኣሳቲላይ ባ ኣሙዋ ፖላና ሜላ ኢያው ቆፖሬቴ።

13:6 ማቶ 22:21፤ ማር 12:17፤ ሉቃ 20:25 13:9 ኬሳ 20:13-17፤
 ዛሬ 5:17-19፤ ሉዌ 19:18 * 13:13 ላይማቲላራ ጋሂቲያ ዲማ ዲማ ቱና
 ኦሶታን፣ ዎይኮ ዬላን፣ ማላን፣ ላይማቶን፣ ቃይፃን ገደፖ ገዲ ቢላናው ዳንዳዔቲስ።
 ላይማቲላራ ጋሂቲያ ዲማ ዲማ ቱና ኦሶቲ ኣሲ ያሳ ሃርፔ ካሬ ከዪዲ ደዓ ካንዶ
 ኤኪዲ ፖሊያ ኦሶ ጉሱ።

14

አሳ ቦላ ፐርዶፊቲ

1 አማኖን ዳቡሪዳ ኦናካ ሺሺ ኤኪቴፔ አቲን ኢያ ቆፋ ቦላ ፐርዶፊቲ። 2 ለሚሶስ፣ አማኖን ሚኒዳ ኢሲ አሲ አይ ካሊካ ማናው ዳንዳዔስ። ሺን አማኖን ዳቡሪያ አሲ አታኪልቴ ፃላላ ሜስ። 3 ኡባባ ሚያ አሲ ሞና ኡራ ካጵፖ። ኡባባ ሞና አሲ ሚያ ኡራ ቦላ ፐርዶፊቲ። ፆሳይ ኡባ ሚያ ኡራ ሺሺ ኤኪስ። 4 ሃራ አሳ አይሌ ቦላ ፐርዶይ ኔኒ ኦኔ? ኢ ዳቡሪን ምይኮ ሚኒን ባ ጎዳሳ። ጎዳይ ኢያ ኤሳናው ዳንዳዔያ ጊሾ ኢ ሚኒዳ ኤቃና።

5 ቃሲ «ኢሲ ጋላሳይ ሃራ ጋላሳፔ አጼስ» ያጊዲ ቆፐያ አሲ ዴዔስ። ሃራይ ቃሲ፣ «ጋላሳቲ ኡባይ ኢሲ ሚላ» ጊዲ ቆፐስ። ሺን ኢሶይ ኢሶይ ባ ቆፋ አኬኪዲ ቃቾ። 6 ኢሲ ጋላሳ ሃራ ጋላሳታፔ አሊዲ ቦንቾያ ኦኒካ ጎዳ ቦንቾስ ጊዲ ኦፊስ። ኡባ ካሊ ሚያ አሲ ጎዳ ቦንቾስ ጊዲ ሜስ። ኢ ሚያ ሄ ካላ ጊሾ ፆሳ ጋላቲስ። ኡባ ካሊ ሞና አሲ ጎዳ ቦንቾስ ሞና አኒስ፤ ቃሲ ሞና አጎን ፆሳ ጋላቲስ። 7 ኑፔ ኦኒካ ባው ዴና፤ ቃሲ ጉ ጊደፌ ኦኒካ ባው ሃይቁና። 8 ኑ ዴዎን ዴዒኮ ጎዳስ ዴዎስ፤ ቃሲ ሃይቁኮካ ጎዳስ ሃይቆስ። ሃዛ፣ ኑ ዴዎን ዴዒን ምይኮ ሃይቁን ጎዳሳ።

9 ኪሪስቶሲ ሃይቁዲ ሃይቆፔ ዴንዲዳይ፣ ዴዎን ዴዔይሳታሲኔ ሃይቁዳይሳታሲ ጎዳ ጊዳናሳ። 10 ያቲን፣ ኔኒ ኔ አሻ ቦላ አይስ ፐርዶይ? ምይኮ ኔኒ ኔ አሻ አይስ ካጻይ? ኦኒ ኡባይ ፆሳ ፐርዶ አራታ ሲንላን ኤቃና።

11 ጌሻ ማፃፋን ጎዳይ፡
 «ታኒ ዴዎን ዴዒይስ፤
 አሳ ኡባይ ታ ሲንላን ጉልባታና፤
 ታኒ ያሴ ጊዴይሳ ማርካታና»
 ያጊስ። 12 ሃዛ፣ ኑ ኦሊዳባሰ ኑ ሁዔን ሁዔን ፆሳ ሲንላን ሺቁዲ ዛር አማና።

ሃራ አሲ ጵቤሶፋ

13 ሄሳ ጊሾ፣ ኦኒ ኢሶይ ኢሱዋ ቦላ ፐርዶይሳ አጎስ። ሺን ሃንቲ አሻ ጵብሲዲ ምይኮ ቃፂዲ ናጋራን ጌልሲያባ ኦላናዳ ናጌቲቲ። 14 ጎዳ ዬሱሳ አማኒያ አሳዳ፣ ባ ሁዔን ቱና ጊዲዳ ካሊ ባይናይሳ ታኒ ጌሻዳ ኤራይስ። ሺን ኢሲ አሲ ኢሲባ ቱና ጊዲ ቆፐኮ ሄሲ ኢያው ቱና ጊዴስ። 15 ኔ ሚያ ካላ ጊሾ ኔ አሻ

ቆቢያባ ገዲኮ፡ ከሪስቶስን ዳዲያ ኔ እሻ ሲቃካ። ከሪስቶስ ኢያ ገሾ ሃይቂዳ ኡራ ኔ ሚያ ካፋን ኢያ አያና ዳዑቀ ዳይሶፋ።
 16 ሂዛ፡ ሂንቴው ዳዲያ ላዓቴላ ሃራቲ ቦራና ሜላ ኦሶፊቴ።
 17 ያሳ ካዎቴላይ ጌሻ አያናን ቤንቴያ ያሎቴላ፡ ሳርቴላኔ ቱማ ኡፋይሲፊ ኣቲን ሙሳባኔ ኡሻባ ገደና። 18 ሄሳዳ ከሪስቶስ ኦሊያ ኣሲ ያሳ ኡፋይሲስ፤ ኣሳንካ ኣንጃቴስ።

19 ሄሳ ገሾ፡ ኣኔ ኮኒ ሳርቴላ ቤንቴያ ኦጊያኔ ኢሱቀ ኢሱቀ ኣማኖን ሚንሉያ ኦጊያ ኮኖሰ። 20 ካላ ገሾ ጋዳ ያሳ ኦሱቀ ዳይሰሶፋ። ኡባ ካላ ሜቴቴስ፡ ሺን ሃራ ኣሲ ናጋራን ቆብሲያ ካላ ሙሲ ኢታ። 21 ኔ ኢሻይ ቆቤቶና ሜላ ኣሾ ሞና ዎይኮ ኡሹ ኡኖና ዎይኮ ኔ ኢሻ ቆቢያ ሃራባ ኦሶና ኣጎይ ሎዎ።

22 ሂዛ፡ ሃ ኔ ኣማኑቀ ኔ ገደኒኔ ኔ ያሳ ገደን ናጋ። ሊኬ ገዲ ቆፐዳባ ኦሊያ ዎዴ ኢያ ካሃይ ሞቶና ኡራይ ኣንጃቴዳይሳ።
 23 ሺን ሲዲሼ ሚያ ኡራስ ኢያ ሙሳይ ኣማኖን ገደና ገሾ ፐርዴቴስ። ኣማኖይ ባይና ኦሴቴዳ ኦሶ ኡባይ ናጋራ።

15

ሃራታ ኡፋይሳናው ቤሴስ

1 ኮኒ ኣማኖን ሚኒዳይሳቲ ዳቡራንቸታ ቶሁቀ ቶካናው ቤሴስ። ኮኒ ኮና ኡፋይሳናው ቤሴና። 2 ኮኒ ኮ እሻ ኣማኖን ሚንፋናው ኢያ ማዳናውኔ ኡፋይሳናው ቤሴስ። 3 ከሪስቶስ ባና ኡፋይሲቤና። ሺን ጌሻ ማፃፋን፡ «ኣጎይ ኔና ጫዱዳ ጫሻይ ታና ጋኪስ» ጌቴቲ ፃፊቲዳይሳዳ ሃኒስ። 4 ጌሻ ማፃፋይ ኢሚያ ጌንጫኒኔ ሚንጫሉቀን ኮ ኡፋይሳ ኤካና ሜላ ጌሻ ማፃፋን ፃፊቲዳ ኡባይ ኮና ታማርሳናው ፃፊቲስ።

5 ጌንጫኔ ሚኖቴላ ኢሚያ ጎዳይ ሂንቴ ከሪስቶስ ዩሱሳ ካሊያ ዎዴ ኢሲፊቴላ ሂንቴው ኢሞ። 6 ሄሲካ፡ ኮ ጎዳ ዩሱስ ከሪስቶስ ኣዎ፡ ያሳ፡ ኢሲ ዎዛናኒኔ ኢሲ ቃላን ሂንቴ ቦንቻና ሜላሳ።

ዎንጌላይ ኣሳ ኡባሳ

7 ከሪስቶስ ሂንቴና ኤኪዳይሳዳ ያሳ ቦንቸስ ኢሶይ ኢሱቀ ኤኪቴ። 8 ያሳይ ቤኒ ኣዎታስ ኢሚዳ ኡፋይሳይ ፖሌታና ሜላኔ ኢያ ቱማቴላይ ኤሬታና ሜላ ከሪስቶስ ኣይሁዴታ ኣይሌ ገዲዲ ዩዳይሳ ታ ሂንቴው ኦዳይስ። 9 ከሪስቶስ ኣይሁዴታ ኣይሌ ገዲዳ ሃራ ጋሶይ ቃሲ ኣይሁዴ ገደና ኣሳቲ ያሳ ኢያ ማርቴላ ገሾ ጋላታና ሜላሳ። ጌሻ ማፃፋን፡

15:3 ማዘ 69:9

«ታ ኔና አይሁዳ ጊደና አሳ ጊደን ጋላታና፤
ኔ ሱንሳ ሳባና»

ጌቴቲዲ ፃፊቲዳይሳዳ ሃኒሰ።
10 ቃሲ፥

«አይሁዳ ጊደና አሳው፥
ፆሳ ዴሪያራ ኡፋይቲቴ»

ያጌቲሰ።
11 ቃሲ ዛሪዲ፥

«አይሁዳ ጊደና አሳው፥
ጎዳ ጋላቲቴ፤
ካዎቴላ ኡባይ ኢያ ሳቢቴ»

ያጌቲሰ።
12 ሄሳዳ ኢሳያሲ፥

«ኢሴዬ ዛሪፔ ዬሌቲያ ኢሶይ ያና፤
ኢ ካዎቴላ ኡባ ሃራና።
ኤንቲ ባንታ ኡፋይሳ ኢያ ቦላ ዎላና»

ያጌሰ።
13 ጌሻ አያና ዎልቃን ሂንቲ ዲጫና ማላ ኡፋይሲ ኢሚያ ፆሳይ፥
ሂንቲ አማኑዎ ጋሶን ሂንቲው ኡፋይሲኔ ሳርቴሌ ኩሚሌ አሞ።

ጳጴሎሲ ፃፊዳ ጋሱዎ

14 ታ አሻቶ፥ ሂንቲናን ሎፆቴሌኔ ኤራቴሌ ኩሚዳይሳ ቃሲ ኢሶይ ኢሱዎ ዘራናው ዳንዳዔይሳ ታ ጌሻዳ ኤራይሰ። 15 ታኒ ሂንቲና ኢሲ ኢሲባ ጉጃ አኬኪሳናው ኮያዳ ያዮና ሃ ዳብዳቢያ ሂንቲው ፆፋሰ። 16 ታኒ ኪሪሰቶሰ ዬሱሳ አይሌ ጊዳዳ፥ አይሁዳ ጊደና አሳሰ ካሂኔዳ ኦላዳ፥ ዎንጌላ ኦዳና ማላ ፆሳይ ታው አጼ ኬሃቴላ አሚሰ። አይሁዳ ጊደና አሳይ ጌሻ አያናን ጌዪዲ፥ ፆሳ ኡፋይሲያ ያርሾ ጊደና ማላ ፆሳይ ሄሳ ኦሌሰ።

17 ታኒ ኪሪሰቶሰ ዬሱሳን ጊዳዳ ፆሳሰ ኦሌያ ኦሱዎን ጨቁታይሰ። 18 አይሁዳ ጊደና አሳይ ፆሳሰ ከቲታናዳ፥ ኪሪሰቶሲ ታ ቃላኔ ታ ኦሱዎ ባጋራ ኦሌዳ ኦሱዎፔ አቲን ሃሪ ታ ጨቁቲያባይ ባዎ። 19 ፆሳይ ሄሳ ማላታኒኔ ጌሻ አያና ዎልቃን ዎቲ ኦሌዳኮ ታ ሂንቲው ኦዳና። ታኒ ዬሩሳላሜፔ ደማዳ፥ ኢሊዋርቆኔ ጋካናው ኪሪሰቶሳ ዎንጌላ ሳባካሰ። 20 ታኒ ሃራ አሲ ባሲዳ ቤሳን ኬፃናው ኮዪኬ። ኪሪሰቶሳ ሱንሳይ ፄጌቲቦና ቤሳን ዎንጌላ ኦዳናው አሞታይሰ። 21 ጌሻ ማፃፋን፥

15:9 2ሳሙ 22:50፤ ማዝ 18:49 15:10 ዛሬ 32:43 15:11 ማዝ 117:1 15:12 እሳ 11:10

«ኢየሳይ ኦዴቲቦና አሳቲ ኢያ ቤዓና፤
ኢየሳ ሲሲቦና አሳቲ አኬካና»
ጌቴቲዲ ፃፊቲሰ።

ጳውሎስ ሮሜ ባናው ቆፐስ

22 ሄሳ ጋሶን፣ ታኒ ሂንቴኮ ምናው ዳንዳዓቢኬ። 23 ሺን ታኒ ሃዒ ሃ ሄራን ታ ኦሱዋ ኦንጊዳ ጊሾኔ ዳሮ ላይላፌ ደማዳ ሂንቴና ቤዓናው ላሞቲዳ ጊሾ 24 ታኒ ኢሰፔኔ ባሼ ሂንቴና ቤዓናው ቆፐስ። ቃሲ ጉላ ዋዴ ሂንቴራ ኡፋይቲዳፔ ጉዬ ኢሰፔኔ ቢያ ዋዴ ሂንቴ ታ ኦጊያሰ ታና ማዳና ሜላ ኮያይሰ።

25 ሺን ሃዒ ታኒ ያሳ አሳታ ማዳናው ዩሩሳላሜ ባይሰ። 26 ማቄደኒያኔ አካያን ዴዒያ ያሳ አሳቲ፣ ዩሩሳላሜን ዴዒያ ማንቆታ ሚሾን ማዳናው ኮዪዳ ጊሾሳ። 27 ኤንቲ ማንቆታ ማዳናይሲ ኤንታው አቶናባ ጊዲዳ ጊሾ ባንታ ሁዔን ሄሳ ኦላናው ቆፋ ቃቺደሶና። አይሁዳቲ አይሁዳ ጊደናይሳታራ አያና አንጁዋ ሻኬቲኮ፣ ኤንቲ ቃሲ ባንታው ዴዒያባን አይሁዳታ ማዳናው ቤሴሰ። 28 ሄሳ ጊሾ፣ ታኒ ሄ ሺቂዳ ሚሺያ ኤንታው ኢሚዳፔ ጉዬ ኢሰፔኔ ባሼ ሂንቴ ማታራ አቆና። 29 ታኒ ሂንቴኮ ቢያ ዋዴ ኪሪሰቶሳ አንጁዋን ኩማዳ ባናይሳ ኤራይሰ።

30 ታ ኢሻቶ፣ ታው ያሳ ዋሲሼ ታ ባዲያን ታራ ኤቃና ሜላ ጎዳ ዩሱሰ ኪሪሰቶሳኒኔ ጌሻ አያና ሲቁዋን ሂንቴና ዋሳይሰ። 31 ያሳይ ታና ዪሁዳን ዴዒያ አማናና አሳታፔ አሻናዳኔ ዩሩሳላሜን ታ ኦላና ኦሶይ ያሳ አሳታ ማታን ኤኬታና ሜላ ታው ዋሲቴ። 32 ቃሲ ያሲ ጊኮ፣ ታኒ ሂንቴኮ ባዳ ኡፋይሳን ሂንቴራ ሼምፓና ሜላ ታው ዋሲቴ። 33 ሳሮቴላ ያሳይ ሂንቴ ኡባራ ጊደ። አሚንዒ።

16

ሳሮላ

1 ኪንኪሪያ ካታማን ዴዒያ ዋሳ ኬላን ኦሊያ ኑ ሚቺያ ፊባ ሎዎ ማጫሰ ጊዳይሳ ሂንቴ ኤራና ሜላ ኮያይሰ። 2 ሂንቴ ኢዮ አማኒያ አሳቲ ጎዳ ሱንላን ሞካናው ቤሲያ አማኒያ አሳታፔ ኢሱዋዳ ሞኪቴ። ኢያ ሂንቴፌ ኮያባ ኡባ ኢዮ ማዲቴ። ኢያ ባ ሁዔን ዳሮ አሳ ማዳሰ፤ ቃሲ ታና ታ ሁዔንካ ዳሮ ማዳሰ።

3 ኪሪሰቶሰ ዩሱሳ ኦሱዋ ታራ ኢሲፌ ኦሊያ ጲሪሰቂላኔ አቂላ ሳሮ ጊቴ። 4 ኤንቲ ታ ጊሾ ባንታ ሼምፑዋ አሊ ኢሚደሶና።

15:21 ኢሳ 52:15 15:22 ሮሜ 1:13 15:26 1ቆር 16:1-4 15:27 1ቆር 9:11 16:3 ሃ.ኦ 18:2

ታ ፃላላ ገደናሺን ኣይሁዴ ገደና ኣሳ ዋሳ ኬላይ ኤንታ ጋላቴስ። 5 ኤንታ ሶን ሸቁያ ኣማኒያ ኣሳ ሳር ገቴ።

ኢሲያ ቢታን ኪሪሰቶሳ ኮይሮ ኣማኒዳ፣ ታ ደሲያ ኤጳኔፆሳስ ታ ሳርሱዋ ኦዲቴ።

6 ሂንቴ ገሾ ኦሶን ዳሮ ዳቡሪዳ ማይራሞ ሳር ገቴ። 7 ታራ ቃሾ ኬላን ኣሊዳ ታ ኣይሁዴ ላጌታ ኣንዲርኒቆሳኔ ዩኒያሳ ሳር ገቴ። ኤንቴ ዩሱሳ ሃዋሬታ ገደን ኤሬቴዳይሳታ። ቃሲ ኤንቴ ኪሪሰቶሳ ታፔ ሲንጼ ኣማኒደሶና።

8 ጎዳን ኣማኒያ ታ ሲቆ ላጊያ፣ ኣምጺሊያፆሳ ሳር ገቴ።

9 ኪሪሰቶሳ ኦሱዋ ኦራ ኢሲፌ ኦሊያ ኡርባኖሴኔ ታ ደሲያ ኢስታኩሳ ሳር ገቴ። 10 ኪሪሰቶሳን ኣማንሊያ ኣይሊያ ኣጼሊሳስ ታ ሳርሱዋ ኦዲቴ። ኣርሰፆቡሎሳ ሶ ኣሳስ ታ ሳርሱዋ ኦዲቴ።

11 ታ ኣይሁዴ ላጊያ ሄርዲዮና ሳር ገቴ።

ናርሲሳኔ ኢያ ሶ ኣሳፔ ኪሪሰቶሳ ኣማኒዳይሳታ ሳር ገቴ።

12 ጎዳ ኦሱዋን ዳቡሪያ ቲሩፋይናኔ ቲሩፎሳ ሳር ገቴ። ቃሲ ጎዳስ ዳሮ ዳቡሪዳ ኦሊያ፣ ታ ደሲያ ጳርሲሶ ሳር ገቴ። 13 ጎዳ ኦሱዋን ዳሮ ኤሬቴዳ ሩፎሳሴኔ ታና ባ ናዳዳ ቤዒያ ኢያ ኣዩስ ታ ሳርሱዋ ኦዲቴ። 14 ኣሲኒኪርቶሳስ፣ ፊሌጎናስ፣ ሄርማሳስ፣ ፓቲርባሳሴኔ ኤንታራ ዳዒያ ኣማኒያ ኣሻታ ኡባስ ታ ሳርሱዋ ኦዲቴ። 15 ፊሎሎጉሳ፣ ዩሊያ፣ ኔሪያ፣ ኢያ ሚቺው፣ ኦሎምፖሳኔ ኤንታራ ዳዒያ ኣማኒያ ኣሳ ኡባ ሳር ገቴ።

16 ጌሻ ዩሬቴሊ ዩሬቴሼ፣ ኢሶይ ኢሱዋ ሳርሊቴ። ኪሪሰቶሳ ዋሳ ኬላይ ሂንቴና ሳር ያጎሶና።

ዉርሴላ ዘሬ

17 ታ ኣሻቶ፣ ሂንቴ ታማሪዳ ቲሚርቲያ ኢዲዲ፣ ሂንቴ ገደን ሻኬቴሊኔ ሜቶ ሜጲያ ኣሳታፔ ናጌቴቴ። ኤንታፌ ሃኪቴ። 18 ሄሳ ሜላ ኣሳቲ ባንታው ኦሎሶናፔ ኣቲን ኦ ጎዳ ኪሪሰቶሳስ ኦሎሶና። ባንታ ማልዒያ ደናኒኔ ሳጳሊያ ቃላን ኣይኮ ኤሮና ኣሳ ዋዛና ባሌሎሶና። 19 ዋንጌላስ ሂንቴ ከቴቴዳይሳ ኣሳ ኡባይ ሲዒዳይሲ ታና ኡፋይሴስ። ሺን ሂንቴ ሎፆባ ኤራና ሜላኔ ኢታባፔ ሃካና ሜላ ታ ኮያይስ። 20 ሳርቴላ ያሳይ ፃላሂያ ሂንቴ ቶሁዋፔ ጋርሳን ጋጪ ዩጋና።

ኦ ጎዳ ዩሱስ ኪሪሰቶሳ ኣጶ ኬሃቴላይ ሂንቴራ ገደ።

21 ታራ ኦሊያ ዪሞቴዮሲ ሂንቴና ሳር ያጌስ። ሄሳዳካ፣ ታ ደቦቲ ሉቁዮሲ፣ ያሶኒኔ ሶስጳዒሮሲ ሂንቴና ሳር ያጎሶና።

22 ሃ ዳብዳቢያ ጳውሎሳስ ፃፊዳ ታኒ፥ ፃርፂዮሲ፥ ሂንቴና ጎዳ ሱንሳን ሳሮ ያጋይስ።

23 ታና ሞኪዳይኔ ዋሳ ከላ ኡባይ ኢያ ሶን ሺቂያ ጋዮሲ፥ ሂንቴና ሳሮ ያጌስ። ካታማ ሚሺያ ኦይኪያ ኤራስዮሲኔ ኑ ኢሻ ቃርዮሲ ሂንቴና ሳሮ ያጎሶና። [24 ኑ ጎዳ ዩሱስ ኪሪስቶሳ አጾ ከሃቴላይ ሂንቴ ኡባራ ጊዶ። አሚንዒ።] *

25 ያሳስ ጋላቲ ጊዶ። ታኒ፥ ዩሱስ ኪሪስቶሳባ ኦዲያ ዋንጌላ ቃላኒኔ ዳሮ ዋዴፔ ቆሴቲዲ ጋሞዒዳ ቱማቴላን፥ ያሳይ ሂንቴና አማኖን ሚንሉዲ ኤሳናው ዳንዳዔስ። 26 ሺን ሃዒ ሄ ቱማይ ቆንጨሰ። ካዎቴላ ኡባይ አማኒዲ ኪቴታና ሜላ ሜሪና ያሳ ኪታን ናቤቲ ሄ ቱማባ ፃፊደሶና።

27 ዩሱስ ኪሪስቶሳ ባጋራ ጨንጨቴሉ ኢያ ፃላላስ ዳዒያ፥ ኢሲ ያሳስ ሜሪናው ቦንቾይ ጊዶ። አሚንዒ።

16:23 ሃ.አ 19:29፤ 1ቆሮ 1:14፤ 2ዲሞ 4:20 * 16:24 ቤኒ ኮይሮ ማፃፋታን ፓይዶ 24 ዴና።

ኦሎሳ ጩቂዋ ኅፋሶ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 11 Nov 2022 from source
files dated 29 Jan 2022
c35d6c73-3843-5482-b53e-7559d35deee5